

- 7.001.01a agnim narō dīdhitibhir aranyor hastacyuti janayanta praśastam |  
 7.001.01c dūredrśām gr̥hapatim atharyum ||  
 7.001.02a tam agnim aste vasavo ny ṛṇvan supratīcakṣam avase kutās cit |  
 7.001.02c dakṣāyō yo dama āsa nityaḥ ||  
 7.001.03a preddho agne dīdhi puro no 'jasrayā sūrmyā yaviṣṭha |  
 7.001.03c tvām śasvanta upa yanti vājāḥ ||  
 7.001.04a pra te agnayo 'gnibhyo varam niḥ suvīrāsaḥ śośucanta dyumantaḥ |  
 7.001.04c yatrā naraḥ samāsate sujātāḥ ||  
 7.001.05a dā no agne dhīyā rayim suvīram svapatyam sahasya praśastam |  
 7.001.05c na yam yāvā tarati yātumāvān ||  
 7.001.06a upa yam eti yuvatiḥ sudakṣam doṣā vastor haviṣmatī ghṛtācī |  
 7.001.06c upa svainam aramatir vasūyuh ||  
 7.001.07a viśvā agne pa dahārātīr yebhis tapobhir adāho jarūtham |  
 7.001.07c pra nisvaram cātayasvāmivām ||  
 7.001.08a ā yas te agna idhate anīkam vasiṣṭha śukra dīdivaḥ pāvaka |  
 7.001.08c uto nā ebhi stavathair iha syāḥ ||  
 7.001.09a vi ye te agne bhejire anīkam martā naraḥ pitryāsaḥ purutrā |  
 7.001.09c uto nā ebhiḥ sumanā iha syāḥ ||  
 7.001.10a ime narō vṛtrahatyēṣu sūrā viśvā adevīr abhi santu māyāḥ |  
 7.001.10c ye me dhīyam paṇayanta praśastām ||  
 7.001.11a mā śūne agne ni śadāma nṛṇām māśeśaso 'viratā pari tvā |  
 7.001.11c prajāvatīṣu duryāsu durya ||  
 7.001.12a yam aśvī nityam upayāti yajñam prajāvantam svapatyam kṣayam naḥ |  
 7.001.12c svajanmanā śeśasā vāvṛdhānam ||  
 7.001.13a pāhi no agne rakṣaso ajuṣṭāt pāhi dhūrter araruṣo aghāyoḥ |  
 7.001.13c tvā yujā pṛtanāyūmr abhi syām ||  
 7.001.14a sed agnir agnīm aty astv anyān yatra vājī tanayo vīlupāniḥ |  
 7.001.14c sahasrapāthā akṣarā sameti ||  
 7.001.15a sed agnir yo vanuṣyato nipāti sameddhāram amhasa uruṣyāt |  
 7.001.15c sujātāsaḥ pari caranti vīrāḥ ||  
 7.001.16a ayam so agnir āhutaḥ purutrā yam īśānaḥ sam id indhe haviṣmān |  
 7.001.16c pari yam ety adhvaṛeṣu hotā ||  
 7.001.17a tve agna āhavanāni bhūrīśānāsa ā juhuyāma nityā |  
 7.001.17c ubhā kṛṇvanto vahaṭū miyedhe ||  
 7.001.18a imo agne vītatamāni havvyājasro vakṣi devatātīm acchā |  
 7.001.18c prati na im surabhīni vyantu ||  
 7.001.19a mā no agne 'virate parā dā durvāsase 'mataye mā no asyai |  
 7.001.19c mā naḥ kṣudhe mā rakṣasa ṛtāvo mā no dame mā vana ā juhūrthāḥ ||  
 7.001.20a nū me brahmāny agna uc chaśādhi tvam deva maghavadbhyaḥ suśūdaḥ |

7.001.20c rātau syāmobhayāsa ā te yūyam pāta svastibhiḥ sadā naḥ ||  
 7.001.21a tvam agne suhavo raṅvasandr̥k sudīti sūno sahaso didihi |  
 7.001.21c mā tve sacā tanāye nitya ā dhañ mā vīro asman naryo vi dāsīt ||  
 7.001.22a mā no agne durbhṛtaye sacaiṣu deveddheṣv agniṣu pra vocaḥ |  
 7.001.22c mā te asmān durmatayo bhṛmāc cid devasya sūno sahaso naśanta ||  
 7.001.23a sa martō agne svanika revān amartye ya ājuhōti havyam |  
 7.001.23c sa devatā vasuvanīm dadhāti yam sūrīr arthī pṛcchamāna eti ||  
 7.001.24a mahō no agne suvītasya vidvān rayīm sūribhya ā vahā brhantam |  
 7.001.24c yena vayam sahasāvan mademāvīkṣitāsa āyusā suvīrah ||  
 7.001.25a nū me brahmāṇy agna uc chāsādhi tvañ deva maghavadbhyaḥ suśūdaḥ |  
 7.001.25c rātau syāmobhayāsa ā te yūyam pāta svastibhiḥ sadā naḥ ||

7.002.01a juṣasva naḥ samidham agne adya śocā brhad yajatañ dhūmam ṛṅvan |  
 7.002.01c upā spr̥śa divyam sānu stūpaiḥ sam raśmibhis tātanaḥ sūryasya ||  
 7.002.02a narāśar̥śasya mahimānam eṣām upā stoṣāma yajatasya yajñaiḥ |  
 7.002.02c ye sukratavaḥ śucayo dhiyandhāḥ svadanti devā ubhayāni havyā ||  
 7.002.03a īlenyam vo asurañ sudakṣam antar dūtām rodasī satyavācam |  
 7.002.03c manuṣvad agniñ manunā samiddham sam adhvarāya sadam in mahema ||  
 7.002.04a saparyavo bharamānā abhijñu pra vr̥ñjate namasā barhir agnau |  
 7.002.04c ājuhvānā ghṛtapṛṣṭham pṛśadvad adhvarayo haviṣā marjayadhvam ||  
 7.002.05a svādhyoḥ vi duro devayanto śīśrayū rathayur devatātā |  
 7.002.05c pūrvī śīśum na mātara rihāne sam agruvo na samaneṣv añjan ||  
 7.002.06a uta yoṣaṇe divye mahī nā uṣāsānaktā sudugheva dhenuḥ |  
 7.002.06c barhiṣadā puruhūte maghonī ā yajñīye suvītāya śrayetām ||  
 7.002.07a viprā yajñeṣu mānuṣeṣu kārū manye vām jātavedasā yajadhyai |  
 7.002.07c ūrdhvam no adhvaram kṛtam haveṣu tā deveṣu vanatho vāryāni ||  
 7.002.08a ā bhāratī bhāratibhiḥ sajoṣā ilā devair manuṣyebhir agniḥ |  
 7.002.08c sarasvatī sārsvatebhir arvāk tisro devīr barhir edam sadantu ||  
 7.002.09a tan nas turīpam adha poṣayitnu deva tvaṣṭar vi rarānaḥ syasva |  
 7.002.09c yato vīrah karmanyaḥ sudakṣo yuktagrāvā jāyate devakāmaḥ ||  
 7.002.10a vanāspate va sṛjopa devān agnir haviḥ śamitā sūdayāti |  
 7.002.10c sed u hotā satyataro yajāti yathā devānām janimāni vedā ||  
 7.002.11a ā yāhy agne samidhāno arvāñ indreṇa devaiḥ saratham turebhiḥ |  
 7.002.11c barhir na āstām aditiḥ suputrā svāhā devā amṛtā mādayantām ||

7.003.01a agniñ vo devam agnibhiḥ sajoṣā yajīṣṭham dūtām adhvarē kṛnudhvam |  
 7.003.01c yo martyeṣu nidhrūvir ṛtāvā tapurmūrdhā ghṛtānaḥ pāvakaḥ ||  
 7.003.02a prothad aśvo na yavase viṣyan yadā mahāḥ samvaranād vy asthāt |  
 7.003.02c ād asya vāto anu vāti śocir adha sma te vrajanam kṛṣṇam asti ||  
 7.003.03a ud yasya te navajātasya vṛṣṇo gne caranty ajarā idhānāḥ |  
 7.003.03c acchā dyām aruṣo dhūma eti sam dūto agna iyase hi devān ||

7.003.04a vi yasyā te pṛthivyām pājo asret tṛṣu yad annā samavṛkta jambhaiḥ |  
 7.003.04c seneva sṛṣṭā prasitiṣ ṭa eti yavaṁ na dāsma juhvā vivekṣi ||  
 7.003.05a tam id doṣā tam uṣasi yaviṣṭham agnim atyaṁ na marjayanta naraḥ |  
 7.003.05c niśiśānā atithim asya yonau dīdāya śocir āhutasya vṛṣṇaḥ ||  
 7.003.06a susandr̥k te svanīka pratīkaṁ vi yad rukmo na rocāsa upāke |  
 7.003.06c divo na te tanyatur eti śuśmaś citro na sūraḥ prati cakṣi bhānum ||  
 7.003.07a yathā vaḥ svāhāgnaye dāsema parilābhir ghṛtavadbhiś ca havyaiḥ |  
 7.003.07c tebhīr no agne amitair mahobhiḥ śatam pūrbhir āyasībhīr ni pāhi ||  
 7.003.08a yā vā te santi dāśuṣe adhrṣṭā giro vā yābhīr nṛvatīr uruṣyāḥ |  
 7.003.08c tābhīr naḥ sūno sahaso ni pāhi smat sūrīṅ jaritīṅ jātavedaḥ ||  
 7.003.09a nir yat pūteva svadhitiḥ śucir gāt svayā kṛpā tanvāḥ rocāmānaḥ |  
 7.003.09c ā yo mātror uṣenyo janiṣṭa devayajyāya sukratuḥ pāvakaḥ ||  
 7.003.10a etā no agne saubhagā didīhy api kratuṁ sucetasam vatema |  
 7.003.10c viśvā stotṛbhyo gr̥ṇate ca santu yūyam pāta svastibhiḥ sadā naḥ ||

7.004.01a pra vaḥ śukrāyā bhānavē bharadhvaṁ havyam maṭim cāgnaye supūtam |  
 7.004.01c yo daivyāni mānuṣā janūṁṣy antar viśvāni vidmanā jigāti ||  
 7.004.02a sa gr̥ṣo agnis taruṇāś cid astu yato yaviṣṭho ajaniṣṭa mātuh |  
 7.004.02c sam yo vanā yuvate śucidan bhūri cid annā sam id ātti sadyaḥ ||  
 7.004.03a asya devasya samsady anīke yam martāsaḥ śyetaṁ jagṛbhre |  
 7.004.03c ni yo gr̥bham pauraṣeyīm uvoca durokam agnir āyave śuśoca ||  
 7.004.04a ayaṁ kavir akaviṣu pracetā martēṣv agnir amṛto ni dhāyi |  
 7.004.04c sa mā no atra juhuraḥ sahasvaḥ sadā tve sumanasaḥ syāma ||  
 7.004.05a ā yo yonim devakṛtam sasāda kratvā hy aḥgnir amṛtām atārit |  
 7.004.05c tam ośadhīś ca vanināś ca garbham bhūmiś ca viśvadhāyasam bibharti ||  
 7.004.06a iśe hy aḥgnir amṛtasya bhūrer iśe rāyaḥ suvīryasya dātoḥ |  
 7.004.06c mā tvā vyaṁ sahasāvann avīrā māpsavaḥ pari śadāma māduvaḥ ||  
 7.004.07a pariṣadyaṁ hy araṇasya rekṇo nityasya rāyaḥ patayaḥ syāma |  
 7.004.07c na šeṣo agne anyajātam asty acetānasya mā patho vi dukṣaḥ ||  
 7.004.08a naḥi grabhāyāraṇaḥ suśevo nyodaryo manasā mantavā u |  
 7.004.08c adhā cid okaḥ punar it sa ety ā no vājy abhīṣāl etu navyaḥ ||  
 7.004.09a tvam agne vanuṣyato ni pāhi tvam u naḥ sahasāvann avadyāt |  
 7.004.09c sam tvā dhvasmanvad abhy etu pāthaḥ sam rayi spr̥hayāyyaḥ sahasrī ||  
 7.004.10a etā no agne saubhagā didīhy api kratuṁ sucetasam vatema |  
 7.004.10c viśvā stotṛbhyo gr̥ṇate ca santu yūyam pāta svastibhiḥ sadā naḥ ||

7.005.01a prāgnaye tavase bharadhvaṁ giram divo arataye pṛthivyāḥ |  
 7.005.01c yo viśveṣām amṛtānām upasthe vaiśvānaro vāvṛdhe jagṛvadbhiḥ ||  
 7.005.02a pṛṣṭo divi dhāyy agniḥ pṛthivyām netā sindhūnām vṛṣabha stiyānām |  
 7.005.02c sa mānuṣir abhi viśo vi bhāti vaiśvānaro vāvṛdhāno vareṇa ||  
 7.005.03a tvad bhiyā viśā āyann asiknīr asamanā jahatīr bhojanāni |

7.005.03c vaiśvānara pūrave śośucānaḥ puro yad agne darayann adīdeḥ ||  
 7.005.04a tava tridhātu pṛthivī uta dyaur vaiśvānara vratam agne sacanta |  
 7.005.04c tvam bhāsā rodasi ā tatānthājasreṇa śociṣā śośucānaḥ ||  
 7.005.05a tvām agne harito vāvaśānā girah sacante dhunayo ghr̥tāciḥ |  
 7.005.05c patim̄ kr̥ṣṭinām rathyaṃ rayiṇām vaiśvānaram uśasām ketum ahnām ||  
 7.005.06a tve asurya1m̄ vasavo ny r̥nvan kratum̄ hi te mitramaho juṣanta |  
 7.005.06c tvam̄ dasyūm̄r okaso agna āja uru jyotir janayann āryāya ||  
 7.005.07a sa jāyamānaḥ parame vyoman vāyur na pāthaḥ pari pāsi sadyaḥ |  
 7.005.07c tvam̄ bhuvanā janayann abhi krann apatyāya jātavedo daśasyan ||  
 7.005.08a tām agne asme iṣam erayasva vaiśvānara dyumatim̄ jātavedaḥ |  
 7.005.08c yayā rādhaḥ pinvasi viśvavāra pṛthu śravo dāśuṣe martyāya ||  
 7.005.09a tam̄ no agne maghavadbhyaḥ purukṣum̄ rayim̄ ni vājam̄ śrutyaṃ yuvasva |  
 7.005.09c vaiśvānara mahi naḥ śarma yaccha rudrebhir agne vasubhiḥ sajoṣāḥ ||

7.006.01a pra samrājo asurya praśastim̄ puṃsaḥ kr̥ṣṭinām̄ anumādyasya |  
 7.006.01c indrasyeva pra tavasas kṛtāni vande dārum̄ vandamāno vivakmi ||  
 7.006.02a kavim̄ ketum̄ dhāsim̄ bhānum̄ adrer̄ hinvantī sam̄ rājyaṃ rodasyoḥ |  
 7.006.02c purandarasya gīrbhir ā vivāse gner vratāni pūrvyā mahāni ||  
 7.006.03a ny akratūn̄ grathino mṛdhravācaḥ paṇim̄r̄ āsraddhām̄ avṛdhām̄ ayajñān |  
 7.006.03c pra-pra tām̄ dasyūm̄r̄ agnir̄ vivāya pūrvas cakārāparām̄ ayajyūn ||  
 7.006.04a yo apācīne tamsi madantīḥ prācis cakāra nṛtamaḥ śacibhiḥ |  
 7.006.04c tam̄ īśānam̄ vasvo agnim̄ gr̥ṇiṣe nānataṃ damayantam̄ pṛtanyūn ||  
 7.006.05a yo dehyo3 anamayad vadhasnair̄ yo aryapatnīr̄ uśasās cakāra |  
 7.006.05c sa nirudhyā nahuṣo yahvo agnir̄ viśas cakre balihṛtaḥ saḥobhiḥ ||  
 7.006.06a yasya śarmann̄ upa viśve janāsa evais̄ tasthuḥ sumatim̄ bhikṣamānaḥ |  
 7.006.06c vaiśvānaro varam̄ ā rodasyoḥ agniḥ sasāda pītror̄ upastham̄ ||  
 7.006.07a ā devo dāde budhnyā3 vasūni vaiśvānara uditā sūryasya |  
 7.006.07c ā samudrād̄ avarād̄ ā parasmād̄ agnir̄ dāde diva ā pṛthivyāḥ ||

7.007.01a pra vo devam̄ cit sahasānam̄ agnim̄ aśvam̄ na vājinam̄ hiṣe namobhiḥ |  
 7.007.01c bhavā no dūto adhvarasya vidvān tmanā deveṣu vivide mitadruḥ ||  
 7.007.02a ā yāhy agne pathyā3 anu svā mandro devānām̄ sakhyaṃ juṣānaḥ |  
 7.007.02c ā sānu śusmair̄ nadayan̄ pṛthivyā jambhebhīr̄ viśvam̄ uśadhaḥ vanāni ||  
 7.007.03a prācīno yajñāḥ sudhitam̄ hi barhiḥ priṇite agnir̄ īlito na hotā |  
 7.007.03c ā mātarā viśvavāre huvāno yato yaviṣṭha jajñiṣe suśevaḥ ||  
 7.007.04a sadyo adhware rathiraṃ jananta mānuṣāso vicetaso ya eṣām̄ |  
 7.007.04c viśām̄ adhāyi viśpatir̄ durone3 gnir̄ mandro madhuvacā rtāvā ||  
 7.007.05a asādi vṛto vahnir̄ ajaganvān̄ agnir̄ brahmā nṛśadane vidhartā |  
 7.007.05c dyaus̄ ca yam̄ pṛthivī vāvṛdhāte ā yam̄ hotā yajati viśvavāram̄ ||  
 7.007.06a ete dyumnebhīr̄ viśvam̄ ātiranta mantraṃ ye vāram̄ naryā atākṣan |  
 7.007.06c pra ye viśas̄ tiranta śroṣamānā ā ye me asya dīdhayann̄ rtasya ||

7.007.07a nū tvām āgna īmahe vasiṣṭhā īśānam sūno sahaso vasūnām ।  
7.007.07c iṣam stotṛbhyo maghavadbhya ānad yūyam pāta svastibhiḥ sadā naḥ ॥

7.008.01a indhe rājā sam aryo namobhir yasya pratikam ahutam ghr̥tena ।  
7.008.01c narō havyebhir īlate sabādha āgnir agra uṣasām aśoci ॥  
7.008.02a ayam u śya sumahāṁ avedi hotā mandro manuṣo yahvo agniḥ ।  
7.008.02c vi bhā akaḥ sasṛjānaḥ pṛthivyām kṛṣṇapavir ośadhībhir vavakṣe ॥  
7.008.03a kayā no agne vi vaśaḥ suvr̥ktim kām u svadhām ṛṇavaḥ śasyamānaḥ ।  
7.008.03c kadā bhavema patayaḥ sudatra rāyo vantāro duṣṭarasya sādhoḥ ॥  
7.008.04a pra-prāyam agnir bhāratasya śṛṇve vi yat sūryo na rocate br̥had bhāḥ ।  
7.008.04c abhi yaḥ pūrum pṛtanāsu tasthau dyutāno daivyo atithiḥ śūsoca ॥  
7.008.05a asann it tve āhavanāni bhūri bhuvo viśvebhiḥ sumanā anikaih ।  
7.008.05c stutaś cid agne śṛṇviṣe gr̥ṇānaḥ svayam vārdhasva tanvam sujāta ॥  
7.008.06a idaṁ vacaḥ śatasāḥ saṁsahasraṁ ud agnaye janiṣiṣṭa dvibarhāḥ ।  
7.008.06c śam yat stotṛbhya āpaye bhavāti dyumad amivacātanaṁ rakṣohā ॥  
7.008.07a nū tvām āgna īmahe vasiṣṭhā īśānam sūno sahaso vasūnām ।  
7.008.07c iṣam stotṛbhyo maghavadbhya ānad yūyam pāta svastibhiḥ sadā naḥ ॥

7.009.01a abodhi jāra uṣasām upasthād dhotā mandraḥ kavitaṁ pāvakaḥ ।  
7.009.01c dadhāti ketum ubhayasya jantor havyaḥ deveṣu draviṇam sukṛtsu ॥  
7.009.02a sa sukratuḥ yo vi durāḥ pañinām punāno arkam purubhojasam naḥ ।  
7.009.02c hotā mandro viśam damūnās tīras tamō dadṛṣe rāmyānām ॥  
7.009.03a amūraḥ kavir aditir vīvasvān susaṁsan mitro atithiḥ śivo naḥ ।  
7.009.03c citrabhānur uṣasām bhāty agre 'pām garbhaḥ praśva ā viveśa ॥  
7.009.04a īlenyo vo manuṣo yugeṣu samanagā aśucaj jātavedāḥ ।  
7.009.04c susandṛśā bhānunā yo vibhāti prati gāvaḥ samidhānam budhanta ॥  
7.009.05a agne yāhi dūtyaīm mā riṣaṇyo devāṁ acchā brahmaḥkṛtā gaṇena ।  
7.009.05c sarasvatim maruto aśvināpo yakṣi devān ratnadheyāya viśvān ॥  
7.009.06a tvām agne samidhāno vasiṣṭho jarūtham haṇ yakṣi rāye purandhim ।  
7.009.06c puruṇīthā jātavedo jarasva yūyam pāta svastibhiḥ sadā naḥ ॥

7.010.01a uṣo na jāraḥ pṛthu pājo aśred davidyutad dīdyac chośucānaḥ ।  
7.010.01c vṛṣā hariḥ śucir ā bhāti bhāsā dhiyo hinvāna uśatir ajīgaḥ ॥  
7.010.02a svaīr ṇa vator uṣasām aroci yajñam tanvānā uśijo na manma ।  
7.010.02c agnir janmāni deva ā vi vidvān dravad dūto devayāvā vaniṣṭhaḥ ॥  
7.010.03a acchā giro matayo devayantir agniṁ yanti draviṇam bhikṣamānaḥ ।  
7.010.03c susandṛśam supratikam svañcam havyaḥvāham aratim mānuṣānām ॥  
7.010.04a indram no agne vasubhiḥ sajośā rudraṁ rudrebhir ā vahā br̥hantam ।  
7.010.04c ādityebhir aditiṁ viśvajanyām br̥haspatim ṛkvābhir viśvavāram ॥  
7.010.05a mandraṁ hotāram uśijo yaviṣṭham agniṁ viśā īlate adhvareṣu ।  
7.010.05c sa hi kṣapāvāṁ abhavad rayiṇām atandro dūto yajathāya devān ॥

7.011.01a mahāṁ asy adhvarasya praketo na rte tvad amṛtā mādayante |  
 7.011.01c ā viśvebhiḥ saratham yāhi devair ny agne hotā prathamah sadeha ||  
 7.011.02a tvām ilate ajiram dūtyāya haviṣmantah sadam in mānuṣāsaḥ |  
 7.011.02c yasya devair āsādo barhir agne hāny asmai sudinā bhavanti ||  
 7.011.03a triś cid aktoḥ pra cikitur vasūni tve antar dāsuse martyāya |  
 7.011.03c maṇuṣvad agna iha yakṣi devān bhavā no dūto abhiśastipāvā ||  
 7.011.04a agnir iṣe brhato adhvarasyāgnir viśvasya haviṣah kṛtasya |  
 7.011.04c kratum hy asya vasavo juṣantāthā devā dadhire havyavāham ||  
 7.011.05a āgne vaha haviradyāya devān indrajyeṣṭhāsa iha mādayantām |  
 7.011.05c imam yajñam divi deveṣu dhehi yūyam pāta svastibhiḥ sadā naḥ ||

7.012.01a aganma mahā namasā yaviṣṭham yo didāya samiddhah sve durone |  
 7.012.01c citrabhānum rodasī antar urvī svāhutam viśvataḥ pratyañcam ||  
 7.012.02a sa mahā viśvā duritāni sāhvān agni ṣṭave dama ā jātavedāḥ |  
 7.012.02c sa no rakṣiṣad duritād avadyād asmān grṇata uta no maghonah ||  
 7.012.03a tvam varuṇa uta mitro agne tvām vardhanti matibhir vasiṣṭhah |  
 7.012.03c tve vasu suṣaṇanāni santu yūyam pāta svastibhiḥ sadā naḥ ||

7.013.01a prāgnayē viśvaśuce dhiyandhe suraghe manmā dhītim bharadhvam |  
 7.013.01c bhare havir na barhiṣi priṇāno vaiśvānarāya yataye matinām ||  
 7.013.02a tvam agne śociṣā śośucāna ā rodasī aprṇā jāyamānaḥ |  
 7.013.02c tvam devām abhiśaster amuñco vaiśvānara jātavedo mahitvā ||  
 7.013.03a jāto yad agne bhuvanā vy akhyaḥ paśūn na gopā iryaḥ parijmā |  
 7.013.03c vaiśvānara brahmaṇe vinda gātum yūyam pāta svastibhiḥ sadā naḥ ||

7.014.01a samidhā jātavedase devāya devahūtibhiḥ |  
 7.014.01c havirbhiḥ śukraśociṣe namasvino vyaṁ dāsemāgnayē ||  
 7.014.02a vyaṁ te agne samidhā vidhema vyaṁ dāsema suṣṭutī yajatra |  
 7.014.02c vyaṁ ghrtenādhvarasya hotar vyaṁ deva haviṣā bhadrāśoce ||  
 7.014.03a ā no devebhir upa devahūtim agne yāhi vaṣatkr̥tim juṣānaḥ |  
 7.014.03c tubhyaṁ devāya dāsataḥ syāma yūyam pāta svastibhiḥ sadā naḥ ||

7.015.01a upasadyāya mīlhuṣā āsyē juhutā haviḥ |  
 7.015.01c yo no nediṣṭham āpyam ||  
 7.015.02a yaḥ pañca carṣaṇīr abhi niśasāda dame-dame |  
 7.015.02c kavir gr̥hapatir yuvā ||  
 7.015.03a sa no vedō amātyam agnī rakṣatu viśvataḥ |  
 7.015.03c utāsmān pātv amhasaḥ ||  
 7.015.04a navam nu stomam agnayē divaḥ syenāya jījanam |  
 7.015.04c vasvaḥ kuvid vaṇāti naḥ ||

7.015.05a spārḥā yasya śriyō dr̥ṣe rayir vīravato yathā |  
 7.015.05c agre yajñasya śocataḥ ||  
 7.015.06a semām vetu vaṣaṭkr̥tim agnir juṣata no girah |  
 7.015.06c yajīṣṭho havyaṅvāhanah ||  
 7.015.07a ni tvā nakṣya viśpate dyumantam deva dhīmahi |  
 7.015.07c suvīram agna āhuta ||  
 7.015.08a kṣapā usraś ca dīdihi svagnayas tvayā vāyam |  
 7.015.08c suvīras tvam asmayuh ||  
 7.015.09a upā tvā sātaye narō viprāso yanti dhītibhiḥ |  
 7.015.09c upākṣarā sahasriṇī ||  
 7.015.10a agnī raksāmsi sedhati śukraśocir amartyah |  
 7.015.10c śuciḥ pāvaka iḍyah ||  
 7.015.11a sa no rādhāmsy ā bhareśānah sahaso yaho |  
 7.015.11c bhagaś ca dātu vāryam ||  
 7.015.12a tvam agne vīravād yaśo devaś ca savitā bhagaḥ |  
 7.015.12c ditiś ca dāti vāryam ||  
 7.015.13a agne rakṣā no amhasaḥ prati śma deva riṣataḥ |  
 7.015.13c tapiṣṭhair ajarō daha ||  
 7.015.14a adhā mahī na āyasy anādhr̥ṣṭo nr̥pītaye |  
 7.015.14c pūr bhavā śatabhujih ||  
 7.015.15a tvam naḥ pāhy amhaso doṣāvastar aghāyataḥ |  
 7.015.15c divā naktam adābhya ||

7.016.01a enā vo agnim namasorjo napātam ā huve |  
 7.016.01c priyam cetiṣṭham aratim svadhvaram viśvāsyā dūtam amṛtam ||  
 7.016.02a sa yojate aruṣā viśvabhōjasā sa dudravat svāhutaḥ |  
 7.016.02c subrahmā yajñah suśamī vasūnām devam rādho janānām ||  
 7.016.03a ud āsyā śocir asthād ājuhvanasya mīlhuṣah |  
 7.016.03c ud dhūmāso aruṣāso diviṣṭṣah sam agnim indhate narah ||  
 7.016.04a tam tvā dūtam kṛṇmahe yaśastamam devām ā vītaye vaha |  
 7.016.04c viśvā sūno sahaso martabhōjanā rāsva tad yat tvemahe ||  
 7.016.05a tvam agne gr̥hapātis tvam hotā no adhvare |  
 7.016.05c tvam potā viśvavāraḥ pracetā yakṣi veṣi ca vāryam ||  
 7.016.06a kṛdhi ratnam yajamānāya sukrato tvam hi ratnadhā asi |  
 7.016.06c ā na r̥te śiśiḥi viśvam r̥tvijam suśamso yaś ca dakṣate ||  
 7.016.07a tve agne svāhuta priyāsaḥ santu sūrayah |  
 7.016.07c yantāro ye maghavāno janānām ūrvān dayanta gonām ||  
 7.016.08a yeśām ilā ghṛtahastā durōṇa ām api prātā niśidati |  
 7.016.08c tāms trāyasva sahasya druho nido yacchā naḥ śarma dirghaśrut ||  
 7.016.09a sa mandrayā ca jihvayā vahnir āsā viduṣṭarah |  
 7.016.09c agne rayim maghavadbhyo na ā vaha havyaḍātīm ca sūdaya ||

- 7.016.10a ye rādhāmsi dadaty asvya maghā kāmēna śravaso maḥaḥ |  
7.016.10c tāṁ amhasaḥ pipriḥi parṭrbhiḥ tvaṁ śatam pūrbhir yaviṣṭhya ||  
7.016.11a devo vo draviṇodāḥ pūrṇām vivaṣṭy āsicam |  
7.016.11c ud vā siñcadhvam upa vā pṛṇadhvam ād id vo deva ohate ||  
7.016.12a taṁ hotāram adhvarasya pracetasam vahniṁ devā akṛṇvata |  
7.016.12c dadhāti ratnaṁ vidhate suvīryam agnir janāya dāsuse ||
- 7.017.01 agne bhava suśamidhā samiddha uta barhir urviyā vi strṇītām ||  
7.017.02 uta dvāra uśatir vi śrayantām uta devāṁ uśata ā vaheha ||  
7.017.03 agne vihi haṁviṣā yakṣi devān svadhvarā kṛṇuhi jātavedaḥ ||  
7.017.04 svadhvarā karati jātavedā yakṣad devāṁ amṛtān piprayac ca ||  
7.017.05 vamsva viśvā vāryāni pracetaḥ satyā bhavantv āśiṣo no adya ||  
7.017.06 tvām u te dadhire havyaṁvāhaṁ devāso agna ūrja ā napātam ||  
7.017.07 te te devāya dāsataḥ syāma maḥo no ratnā vi dadha iyānaḥ ||
- 7.018.01a tve ha yat pitaras cin na indra viśvā vāmā jaritāro asanvan |  
7.018.01c tve gāvah sudughās tve hy asvās tvaṁ vasu devayate vaniṣṭhaḥ ||  
7.018.02a rājeva hi janibhiḥ kṣeṣy evāva dyubhir abhi viduḥ kaviḥ san |  
7.018.02c piśā giro maghavan gobhir asvais tvāyataḥ śiśihi rāye asmān ||  
7.018.03a imā u tvā pasprdhānāso atra maṇdrā giro devayantir upa sthuḥ |  
7.018.03c arvāci te pathyā rāya etu syāma te sumatāv indra śarman ||  
7.018.04a dhenuṁ na tvā sūyavase duduḥṣann upa brahmāni sasrje vasiṣṭhaḥ |  
7.018.04c tvām in me gopatim viśvā āhā na indraḥ sumatim gantv accha ||  
7.018.05a arṇāmsi cit paprathānā sudāsa indro gādhanī akṛṇot supārā |  
7.018.05c śardhantam śimyum ucathasya navyaḥ śāpam sindhūnām akṛṇod asastih ||  
7.018.06a puroḷā it turvaśo yakṣur āsid rāye matsyāso niśitā apīva |  
7.018.06c śruṣṭim cakrur bhr̥gavo druhyavaś ca sakhā sakhāyam ataraḍ viṣūcoḥ ||  
7.018.07a ā pakthāso bhalānaso bhanantālināso viṣāṇinaḥ śivāsaḥ |  
7.018.07c ā yo 'nayat sadhamā āryasya gavyā trṭsubhyo ajagan yudhā nṛn ||  
7.018.08a durādhyo aditim srevayanto 'cetaso vi jagrbhre paruṣṇim |  
7.018.08c mahnāvivyak pṛthivim patyamānaḥ paśuḥ kavir āsayac cāyamānaḥ ||  
7.018.09a iyur artham na nyartham paruṣṇim āśuś caned abhipitvam jagāma |  
7.018.09c sudāsa indraḥ sutukāṁ amitrān arandhayan mānuṣe vadhrivācaḥ ||  
7.018.10a iyur gāvo na yavasād agopā yathākṛtam abhi mitram citāsaḥ |  
7.018.10c pṛṣṇigāvaḥ pṛṣṇinipreṣitāsaḥ śruṣṭim cakrur niyuto rantayaś ca ||  
7.018.11a ekaṁ ca yo vimśatim ca śravasyā vaikaṇayor janān rājā ny astah |  
7.018.11c dasmo na sadman ni śiśāti barhiḥ sūraḥ sargam akṛṇod indra eṣām ||  
7.018.12a adhā śrutam kavaṣam vṛddham apsv anu druhyum ni vṛṇag vajrabāhuḥ |  
7.018.12c vṛṇānā atra sakhyāya sakhyam tvāyanto ye amadaṇn anu tvā ||  
7.018.13a vi sadyo viśvā dṛmhitāny eṣām indraḥ puraḥ sahasā sapta dārdaḥ |  
7.018.13c vy ānavasya trṭsave gayam bhāg jeṣma pūrum vidathe mṛdhraṁvācam ||



7.018.14a ni gavyavo 'navo druhyavaś ca śaṣṭiḥ śatā suṣupuh ṣaṭ sahasrā |  
 7.018.14c śaṣṭir vīrāso adhi ṣaḍ duvoyu viśved indrasya vīryā kṛtāni ||  
 7.018.15a indreṇaite trtsavo veviṣānā āpo na sṛṣṭā adhavanta nīciḥ |  
 7.018.15c durmitrāsaḥ prakalavin mimānā jahur viśvāni bhojanā sudāse ||  
 7.018.16a ardham vīrasya śṛtapām anindram parā śardhantaṁ nunude abhi kṣām |  
 7.018.16c indro manyum manyumyo mimāya bheje patho vartanim patyāmānaḥ ||  
 7.018.17a ādhreṇa cit tad v ekaṁ cakāra simhyam cit petvenā jaghāna |  
 7.018.17c ava sraktir veśyāvṛscad indrah prāyacchad viśvā bhojanā sudāse ||  
 7.018.18a śaśvanto hi śatravo rāradhuṣ te bhedasya cic chardhato vinda randhim |  
 7.018.18c martāṁ enā stuvato yaḥ kṛnoti tigraṁ tasmin ni jahī vajram indra ||  
 7.018.19a āvad indram yamunā trtsavaś ca prātra bhedaṁ sarvatātā muṣāyat |  
 7.018.19c ajāsaś ca śigravo yaksavaś ca balim śirṣāni jabhrur aśvyāni ||  
 7.018.20a na tā indra sumatayo na rāyaḥ sañcakṣe pūrvā uṣaso na nūtnāḥ |  
 7.018.20c devakam cin mānyamānaṁ jaghanthāva tmanā brhataḥ śambaram bhet ||  
 7.018.21a pra ye grhād amamadus tvāyā parāśaraḥ śatayātur vasiṣṭhaḥ |  
 7.018.21c na te bhojasya sakhyam mṛṣantādhā sūribhyaḥ sudinā vy ucchān ||  
 7.018.22a dve naptur devavataḥ śate gor dvā rathā vadhūmantā sudāsaḥ |  
 7.018.22c arhann agne pajavanasya dānaṁ hoteva sadma pary emi rebhan ||  
 7.018.23a catvāro mā pajavanasya dānāḥ smaddiṣṭayaḥ kṛṣānino nireke |  
 7.018.23c rjṛāso mā pṛthiviṣṭhāḥ sudāsaś tokam tokāya śravase vahanti ||  
 7.018.24a yasya śravo rodasi antar urvi śirṣne-śirṣne vibabhājā vibhaktā |  
 7.018.24c sapted indram na sṛavato grṇanti ni yudhyāmadhim aśiśād abhike ||  
 7.018.25a imam nāro marutaḥ saścatānu divodāsaṁ na pītarāṁ sudāsaḥ |  
 7.018.25c aviṣṭanā pajavanasya ketam dūnāsaṁ kṣatram ajaram duvoyu ||

7.019.01a yas tigmaśṛngo vṛṣabho na bhīma ekaḥ kṛṣṭiś cyāvayati pra viśvāḥ |  
 7.019.01c yaḥ śaśvato adāśuṣo gayasya prayantāsi suṣvitarāya vedaḥ ||  
 7.019.02a tvaṁ ha tyad indra kutsam āvaḥ śuśrūṣamānaś tanvā samarye |  
 7.019.02c dāsaṁ yac chuṣnam kuyavaṁ ny asmā arandhaya ārjuneyāya śikṣan ||  
 7.019.03a tvaṁ dhṛṣṇo dhṛṣatā vītahavyam prāvo viśvābhir ūtibhiḥ sudāsam |  
 7.019.03c pra paurukutsim trasadasyum āvaḥ kṣetrasātā vṛtrahatyēṣu pūrum ||  
 7.019.04a tvaṁ nṛbhir nṛmaṇo devavītau bhūrīni vṛtrā hāryaśva haṁsi |  
 7.019.04c tvaṁ ni dasyum cumurim dhunim cāsvāpayo dabhītaye suhantu ||  
 7.019.05a tava cyautnāni vajrahasta tāni nava yat puro navatim ca sadyaḥ |  
 7.019.05c niveśane śatatamāviveṣir ahañ ca vṛtram namucim utāhan ||  
 7.019.06a sanā tā tā indra bhojanāni rātahavyāya dāśuṣe sudāse |  
 7.019.06c vṛṣne te harī vṛṣānā yunajmi vyantu brahmāni puruśāka vājam ||  
 7.019.07a mā te aśyām sahasāvan pariṣṭāv aghāya bhūma harivaḥ parādaḥ |  
 7.019.07c trāyasva no vṛkebhir varūthais tava priyāsaḥ sūriṣu syāma ||  
 7.019.08a priyāsa it te maghavann abhiṣtau nāro madema śaraṇe sakhāyaḥ |  
 7.019.08c ni turvaśam ni yādvaṁ śiśihy atithigvāya śamsyam kariṣyan ||

7.019.09a sadyaś cin nu te maghavann abhiṣṭau naraḥ śamsanty ukthaśāsa ukthā |  
 7.019.09c ye te havebhir vi pañimr adāśann asmān vṛṇiṣva yujyāya tasmai ||  
 7.019.10a ete stomā narām nṛtama tubhyam asmadryaṅco dadato maghāni |  
 7.019.10c teṣām indra vṛtrahatyē śivo bhūh sakhā ca sūro vitā ca nṛṇām ||  
 7.019.11a nū indra sūra stavamāna ūti brahmajūtas tanvā vāvṛdhasva |  
 7.019.11c upā no vājān mimihy upa stin yūyam pāta svastibhiḥ sadā naḥ ||

7.020.01a ugro jajñe vīryāya svadhāvāñ cakrir apo naryo yat kariṣyan |  
 7.020.01c jagmir yuvā nṛśadanam avobhis trātā na indra enaso mahāś cit ||  
 7.020.02a hantā vṛtram indraḥ śūsuvānaḥ prāvīn nu viro jaritāram ūti |  
 7.020.02c kartā sudāse aha vā u lokam dātā vasu muhur ā dāśuṣe bhūt ||  
 7.020.03a yudhmo anarvā khajakṛt samadvā sūrah satrāśād januṣem aśālhah |  
 7.020.03c vy āsa indraḥ pṛtanāḥ svojā adhā viśvam śatrūyantam jaghāna ||  
 7.020.04a ubhe cid indra rodasī mahitvā paprātha taviṣibhis tuviṣmah |  
 7.020.04c ni vajram indro harivān mimikṣan sam andhasā madeṣu vā uvoca ||  
 7.020.05a vṛṣā jajāna vṛṣaṇam raṇāya tam u cin nārī naryam sasūva |  
 7.020.05c pra yah senānir adha nṛbhyo astīnaḥ satvā gaveṣaṇaḥ sa dhṛṣṇuḥ ||  
 7.020.06a nū cit sa bhreṣate jano na reṣan mano yo asya ghoram āvivāsāt |  
 7.020.06c yajñair ya indre dadhate duvāmsi kṣayat sa rāya rṭapā rṭejāḥ ||  
 7.020.07a yad indra pūrvo aparāya śikṣann ayaj jyāyān kanīyaso deṣnam |  
 7.020.07c amṛta it pary āsita dūram ā citra citryam bharā rayim naḥ ||  
 7.020.08a yas tā indra priyo jano dadāśad asan nireke adrivaḥ sakhā te |  
 7.020.08c vayam te asyām sumatau caniṣṭhāḥ syāma varūthe aghnato nṛpītau ||  
 7.020.09a eṣa stomo acikradad vṛṣā ta uta stāmur maghavann akrapīṣṭa |  
 7.020.09c rāyas kāmō jaritāram ta āgan tvam aṅga śakra vasva ā śako naḥ ||  
 7.020.10a sa na indra tvayatāyā iṣe dhās tmanā ca ye maghavāno junanti |  
 7.020.10c vasvī ṣu te jaritre astu śaktir yūyam pāta svastibhiḥ sadā naḥ ||

7.021.01a asāvi devam gorjīkam andho ny asmīn indro januṣem uvoca |  
 7.021.01c bodhāmasi tvā haryaśva yajñair bodhā na stomam andhaso madeṣu ||  
 7.021.02a pra yanti yajñam vipayanti barhiḥ somamādo vidathe dudhravācaḥ |  
 7.021.02c ny u bhriyante yaśaso grbhād ā dūraupabdo vṛṣaṇo nṛśācaḥ ||  
 7.021.03a tvam indra sravitavā apas kaḥ pariṣṭhitā ahinā sūra pūrvih |  
 7.021.03c tvad vāvakre rathyo na dhenā rejante viśvā kṛtrimāni bhīṣā ||  
 7.021.04a bhīmo viveṣāyudhebhir eṣām apāmsi viśvā naryāni vidvān |  
 7.021.04c indraḥ puro jarhṛṣaṇo vi dūdhod vi vajrahasto mahinā jaghāna ||  
 7.021.05a na yātava indra jūjuvur no na vandanā śaviṣṭha vedyābhiḥ |  
 7.021.05c sa śardhad aryo viṣuṇasya jantor mā śīśnadevā apī gur rṭam naḥ ||  
 7.021.06a abhi kratvendra bhūr adha jman na te vivyañ mahimānam rajāmsi |  
 7.021.06c svenā hi vṛtram śavasā jaghantha na śatrur antam vividat yudhā te ||  
 7.021.07a devāś cit te asuryāya pūrve nu kṣatrāya mamire sahāmsi |

- 7.021.07c indro maghāni dayate viṣahyendraṁ vājasya johuvanta sātau ||  
7.021.08a kīriś cid dhi tvām avase juhāveśānam indra saubhāgasya bhūreḥ |  
7.021.08c avo babhūtha śatamūte asme abhikṣattus tvāvato varūtā ||  
7.021.09a sakhāyas ta indra viśvaha syāma namovṛdhāso mahinā tarutra |  
7.021.09c vanvantu smā te 'vasā samīkeḥ bhītim aryo vanuṣām śavāmsi ||  
7.021.10a sa nā indra tvayatāyā iṣe dhās tmanā ca ye maghavāno junanti |  
7.021.10c vasvī ṣu te jaritre astu śaktir yūyam pāta svastibhiḥ sadā naḥ ||
- 7.022.01a pibā somām indra mandatu tvā yaṁ te suṣāva haryaśvādriḥ |  
7.022.01c sotur bāhubhyām suyato nārvā ||  
7.022.02a yas te maḍo yujyaś cārur asti yena vṛtrāni haryaśva hamsi |  
7.022.02c sa tvām indra prabhūvaso mamattu ||  
7.022.03a bodhā su me maghavan vācam emām yām te vasiṣṭho arcāti praśastim |  
7.022.03c imā brahmā sadhamāde juṣasva ||  
7.022.04a śrudhī havām vipipānasyādrer bodhā viprasyārcato manīṣām |  
7.022.04c kṛṣvā duvāmsy antamā sacemā ||  
7.022.05a na te giro api mṛṣye turasya na suṣtutim asuryasya vidvān |  
7.022.05c sadā te nāmā svayaśo vivakmi ||  
7.022.06a bhūri hi te savanā mānuṣeṣu bhūri manīṣi havate tvām it |  
7.022.06c māre asman maghavañ jyok kaḥ ||  
7.022.07a tubhyed imā savanā śūra viśvā tubhyam brahmāni vardhanā kṛṇomi |  
7.022.07c tvām nṛbhir havyo viśvadhāsi ||  
7.022.08a nū cin nu te manyamānasya daṣmod aśnuvanti mahimānam ugra |  
7.022.08c na vīryam indra te na rādhaḥ ||  
7.022.09a ye ca pūrva ṛṣayo ye ca nūtnā indra brahmāni janayanta viprah |  
7.022.09c asme te santu sakhyā śivāni yūyam pāta svastibhiḥ sadā naḥ ||
- 7.023.01a ud u brahmāny airata śraṇasyendraṁ samarye mahayā vasiṣṭha |  
7.023.01c ā yo viśvāni śavasā tatānopāśrotā ma ivato vacāmsi ||  
7.023.02a ayāmi ghoṣa indra devajāmir irajyanta yac churudho vivāci |  
7.023.02c nahi svam āyus cikite janeṣu tānīd amhāmsy ati parṣy asmān ||  
7.023.03a yuje ratham gavesānam haribhyām upa brahmāni jujuṣānam āsthuḥ |  
7.023.03c vi bādhiṣṭa sya rodasī mahitvendro vṛtrāny apratī jaghanvān ||  
7.023.04a āpaś cit pipyu staryoḥ na gāvo nakṣann ṛtam jaritāras ta indra |  
7.023.04c yāhi vāyur na niyuto no acchā tvām hi dhībhir dayase vi vājān ||  
7.023.05a te tvā madā indra mādayantu suṣmiṇām tuvīrādhasam jaritre |  
7.023.05c ekō devatrā dayase hi martān asmiñ chūra savane mādayasva ||  
7.023.06a eved indraṁ vṛṣānam vajrabāhum vasiṣṭhāso abhy arcanty arkaiḥ |  
7.023.06c sa nā stuto vīravād dhātu gomad yūyam pāta svastibhiḥ sadā naḥ ||
- 7.024.01a yoniṣ ta indra sadane akāri tam ā nṛbhiḥ puruhūta pra yāhi |

7.024.01c aso yathā no 'vitā vṛdhe ca dado vasūni mamadaś ca somaiḥ ||  
 7.024.02a gr̥bhītaṁ te manā indra dvībarhāḥ sutāḥ somaḥ pariṣiktā madhūni |  
 7.024.02c visr̥ṣṭadhenā bharate suvr̥ktir iyam indraṁ johuvatī maṇīṣā ||  
 7.024.03a ā no diva ā pṛthivyā r̥jīṣinn idam barhiḥ somapeyāya yāhi |  
 7.024.03c vahantu tvā harayo madryāncam āngūṣam acchā tavasam madāya ||  
 7.024.04a ā no viśvābhir ūtibhiḥ sajoṣā brahma juṣāno haryaśva yāhi |  
 7.024.04c varīvr̥jat sthavirebhiḥ suśiprāsme dadhad vṛṣaṇaṁ śuśmam indra ||  
 7.024.05a eṣa stomo maha ugrāya vāhe dhurīṣvātyo na vājayann adhāyi |  
 7.024.05c indra tvāyam arka itte vasūnām divīva dyām adhi naḥ śromataṁ dhāḥ ||  
 7.024.06a evā na indra vāryasya pūrdhi pra te mahīm sumatim vevidāma |  
 7.024.06c iṣam pinva maghavadbhyaḥ suvirām yūyam pāta svastibhiḥ sadā naḥ ||

7.025.01a ā te maha indroty ugra samanyavo yat samaranta senāḥ |  
 7.025.01c patāti didyun naryasya bāhvor mā te manō viṣvadryaḥ vi cārīt ||  
 7.025.02a ni durga indra śnathihy amitrāṁ abhi ye no martāso amanti |  
 7.025.02c āre tam śamsam kṛṇuhi ninītor ā no bhara sambharaṇaṁ vasūnām ||  
 7.025.03a śataṁ te śiprinn ūtayaḥ sudāse sahasraṁ śamsā uta rātir astu |  
 7.025.03c jahi vadhar vanuṣo martyasyāsme dyumnam adhi ratnaṁ ca dhehi ||  
 7.025.04a tvāvato hindra kratve asmī tvāvato 'vituḥ sūra rātau |  
 7.025.04c viśved ahāni taviṣīva ugraṁ okaḥ kṛṇuṣva harivo na mardhiḥ ||  
 7.025.05a kutsā ete haryaśvāya sūṣam indre saho devajūtam iyānāḥ |  
 7.025.05c satrā kṛdhi suhanā sūra vṛtrā vayam tarutrāḥ sanuyāma vājam ||  
 7.025.06a evā na indra vāryasya pūrdhi pra te mahīm sumatim vevidāma |  
 7.025.06c iṣam pinva maghavadbhyaḥ suvirām yūyam pāta svastibhiḥ sadā naḥ ||

7.026.01a na soma indram asuto mamāda nābrahmāṇo maghavānam sutāsaḥ |  
 7.026.01c tasmā ukthaṁ jānaye yaj juṣaṇaṁ nṛvan navīyaḥ śṛṇavaḥ yathā naḥ ||  
 7.026.02a uktha-ukthe soma indram mamāda nīthe-nīthe maghavānam sutāsaḥ |  
 7.026.02c yad im sabādhaḥ pitaram na putrāḥ samānadakṣā avase havante ||  
 7.026.03a cakāra tā kṛṇavan nūnam anyā yāni bruvanti vedhasaḥ suteṣu |  
 7.026.03c janīr iva patir ekaḥ samāno ni māmr̥je pura indraḥ su sarvāḥ ||  
 7.026.04a evā tam āhur uta śṛṇva indra eko vibhaktā taraṇir maghānām |  
 7.026.04c mithastura ūtayo yasya pūrvir asme bhadrāni saścata priyāni ||  
 7.026.05a evā vasiṣṭha indram ūtaye nṛn kṛṣṭinām vṛṣabham sute gr̥ṇāti |  
 7.026.05c sahasriṇa upa no māhi vājān yūyam pāta svastibhiḥ sadā naḥ ||

7.027.01a indram narō nemadhītā havante yat pāryā yunajate dhiyas tāḥ |  
 7.027.01c sūro nṛṣātā śavasaś cakāna ā gomati vraje bhajā tvam naḥ ||  
 7.027.02a ya indra śuśmo maghavan te asti śikṣā sakhībhyaḥ puruhūta nṛbhyaḥ |  
 7.027.02c tvam hi dṛḥhā maghavan vicetā apā vṛdhi parivṛtaṁ na rādhaḥ ||  
 7.027.03a indro rājā jagataś carṣaṇīnām adhi kṣami viṣurūpaṁ yad asti |

7.027.03c tato dadāti dāśuṣe vasūni codad rādha upastutaś cid arvāk ||  
 7.027.04a nū cin na indro maghavā sahūti dāno vājam ni yamate na ūti |  
 7.027.04c anūnā yasya dakṣiṇā pīpāya vāmaṃ nṛbhyo abhivītā sakhibhyaḥ ||  
 7.027.05a nū indra rāye varivas kṛdhi na ā te mano vavṛtyāma maghāya |  
 7.027.05c gomad aśvāvad rathavad vyanto yūyam pāta svastibhiḥ sadā naḥ ||

7.028.01a brahmā na indropā yāhi vidvān arvāncas te harayaḥ santu yuktāḥ |  
 7.028.01c viśve cid dhi tvā vihavanta martā asmākam ic chṛnuhi viśvaminva ||  
 7.028.02a havam ta indra mahimā vy ānaḍ brahma yat pāsi śavasinn ṛṣiṇām |  
 7.028.02c ā yad vajram dadhiṣe hasta ugra ghorah san kratvā janiṣṭhā aśālhah ||  
 7.028.03a tava praṇitindra johuvānān sam yan nṛn na rodasi ninetha |  
 7.028.03c mahe kṣatrāya śavase hi jajñe 'tūtujim cit tūtujir aśiśnat ||  
 7.028.04a ebhir na indrahahir daśasya durmitrāso hi kṣitayaḥ pavante |  
 7.028.04c prati yac caṣṭe anṛtam anenā avā dvitā varuṇo māyī naḥ sāt ||  
 7.028.05a vocemed indram maghavānam enam maḥo rāyo rādhaso yad dadan naḥ |  
 7.028.05c yo arcato brahmakṛtim aviṣṭho yūyam pāta svastibhiḥ sadā naḥ ||

7.029.01a ayam somā indra tubhyaṃ sunva ā tu pra yāhi harivas tadokāḥ |  
 7.029.01c pibā tv aīsyā suśutasya cārora dadō maghāni maghavann iyānaḥ ||  
 7.029.02a brahman vira brahmakṛtim juṣāno 'rvācino haribhir yāhi tūyam |  
 7.029.02c asminn ū ṣu savane mādayasvopa brahmāni śṛṇava imā naḥ ||  
 7.029.03a kā te asty arāṅkṛtiḥ sūktaiḥ kadā nūnam te maghavan dāsema |  
 7.029.03c viśvā matir ā tatane tvāyādhā ma indra śṛṇavo havemā ||  
 7.029.04a uto ghā te puruṣyāḥ id āsan yeṣām pūrveṣām aśṇor ṛṣiṇām |  
 7.029.04c adhāham tvā maghavañ johavimi tvam na indraṣi pramatih piteva ||  
 7.029.05a vocemed indram maghavānam enam maḥo rāyo rādhaso yad dadan naḥ |  
 7.029.05c yo arcato brahmakṛtim aviṣṭho yūyam pāta svastibhiḥ sadā naḥ ||

7.030.01a ā no deva śavasā yāhi śuṣmin bhavā vṛdha indra rāyo aśya |  
 7.030.01c mahe nṛmṇāya nṛpate suvajra mahi kṣatrāya pauṃsyāya śūra ||  
 7.030.02a havanta u tvā havyaṃ vivāci tanūṣu sūrāḥ sūryasya sātau |  
 7.030.02c tvam viśveṣu senyo janeṣu tvam vṛtrāni randhayā suhantu ||  
 7.030.03a ahā yad indra sudinā vyucchān dadho yat ketum upamaṃ samatsu |  
 7.030.03c ny aīgniḥ sidad asuro na hotā huvāno atra subhagāya devān ||  
 7.030.04a vyaṃ te tā indra ye ca deva stavanta śūra dadato maghāni |  
 7.030.04c yacchā sūribhya upamaṃ varūtham svābhuvō jaraṇām aśnavanta ||  
 7.030.05a vocemed indram maghavānam enam maḥo rāyo rādhaso yad dadan naḥ |  
 7.030.05c yo arcato brahmakṛtim aviṣṭho yūyam pāta svastibhiḥ sadā naḥ ||

7.031.01a pra va indrāya mādanam haryaśvāya gāyata |  
 7.031.01c sakhāyaḥ somapāvne ||

7.031.02a śamsed ukthaṁ sudānava uta dyukṣaṁ yathā naraḥ |  
 7.031.02c cakṛmā satyarādhasē ||  
 7.031.03a tvaṁ nā indra vājayus tvaṁ gavyuḥ śatakrato |  
 7.031.03c tvaṁ hiraṇyayur vaso ||  
 7.031.04a vāyam indra tvāyavo 'bhi pra ṇonumo vṛṣan |  
 7.031.04c viddhī tv aśya no vaso ||  
 7.031.05a mā no nide ca vaktave 'ryo randhīr arāvne |  
 7.031.05c tve api kratuṁ mama ||  
 7.031.06a tvaṁ varmāsi saprathaḥ puroyodhas ca vṛtrahan |  
 7.031.06c tvayā prati bruve yujā ||  
 7.031.07a mahāṁ utāsi yasya te 'nu svadhāvarī sahaḥ |  
 7.031.07c mamnāte indra rodāsī ||  
 7.031.08a taṁ tvā marutvatī pari bhuvad vāṇi sayāvarī |  
 7.031.08c nakṣamāṇā saha dyubhiḥ ||  
 7.031.09a ūrdhvāśas tvānv indavo bhuvan dāsmam upa dyavi |  
 7.031.09c saṁ te namanta kṛṣṭayah ||  
 7.031.10a pra vo mahe mahivṛdhe bharadhvam pracetase pra sumatim kṛṇudhvam |  
 7.031.10c viśaḥ pūrvih pra carā carṣaniprāḥ ||  
 7.031.11a uruvyacase mahine suvṛktim indrāya brahmā janayanta viprāḥ |  
 7.031.11c tasya vratāni na minanti dhīrāḥ ||  
 7.031.12a indraṁ vāṇīr anuttamanyum eva satrā rājānaṁ dadhire sahadhyai |  
 7.031.12c haryaśvāya barhayā sam āpīn ||

7.032.01a mo śu tvā vāghataś caṇāre asman ni rīraman |  
 7.032.01c ārāttāc cit sadhamādām nā ā gahīha vā sann upa śrudhi ||  
 7.032.02a ime hi te brahmakṛtaḥ sute sacā madhau na makṣa āsate |  
 7.032.02c indre kāmaṁ jaritāro vasūyavo rathe na pādām ā dādhuḥ ||  
 7.032.03 rāyaskāmo vajrahastaṁ sudakṣiṇam putro na pītaṁ huve ||  
 7.032.04a ima indrāya sunvire somāso dadhyāśiraḥ |  
 7.032.04c tāṁ ā madāya vajrahasta pītaye haribhyāṁ yāhy oka ā ||  
 7.032.05a śravac chrutkarṇa iyate vasūnām nū cin no mardhiśad girāḥ |  
 7.032.05c sadyaś cid yaḥ sahasrāni śatā dadan nakīr ditsantam ā minat ||  
 7.032.06a sa vīro apratiṣkutaṁ indreṇa śūśuve nṛbhiḥ |  
 7.032.06c yas te gabhīrā savanāni vṛtrahan sunoty ā ca dhāvati ||  
 7.032.07a bhavā varūtham maghavan maghonām yat samajāsi śardhataḥ |  
 7.032.07c vi tvāhatasya vedānam bhajemaḥy ā dūnāśo bharā gayam ||  
 7.032.08a sunotā somapāvne somam indrāya vajriṇe |  
 7.032.08c pacatā paktir avase kṛṇudhvam it pṛṇann it pṛṇate mayah ||  
 7.032.09a mā sredhata somino dakṣatā mahe kṛṇudhvaṁ rāya ātuje |  
 7.032.09c taraṇir ij jāyati kṣeti puṣyati na devāsaḥ kavatnave ||  
 7.032.10a nakīḥ sudāso ratham pary āsa na rīramat |

- 7.032.10c indro yasyāvitā yasya maruto gamat sa gomati vraje ||
- 7.032.11a gamad vājam vājayann indra martyo yasya tvam avitā bhuvah |
- 7.032.11c asmākam bodhy avitā rathānām asmākam sūra nr̥ṇām ||
- 7.032.12a ud in nv asya ricyate m̄so dhanam na jigyuṣah |
- 7.032.12c ya indro harivān na dabhanti tam ripō dakṣam dadhāti sominī ||
- 7.032.13a mantraṁ akharvaṁ sudhitam supesāsam dadhāta yajñiyeṣv ā |
- 7.032.13c pūrvīś cana prasitayas taranti tam ya indre karmanā bhuvat ||
- 7.032.14a kas tam indra tvāvasum ā martyo dadharṣati |
- 7.032.14c śraddhā it te maghavan pārye divi vāji vājam siṣāsati ||
- 7.032.15a maghonaḥ sma vṛtrahatyēṣu codaya ye dadati priyā vasu |
- 7.032.15c tava praṇīti haryaśva sūribhir viśvā tarema duritā ||
- 7.032.16a taved indrāvamam vasu tvam puṣyasi madhyamam |
- 7.032.16c satrā viśvasya paramasya rājasi nakīṣ tvā goṣu vṛṇvate ||
- 7.032.17a tvam viśvasya dhanādā asi śruto ya im bhavanty ājayah |
- 7.032.17c tavāyam viśvah puruhūta pārthivo vasyur nāma bhikṣate ||
- 7.032.18a yad indra yāvatas tvam etāvad aham īsiya |
- 7.032.18c stotāram id didhiṣeya radāvaso na pāpatvāya rāsīya ||
- 7.032.19a śikṣeyam in mahayate dive-dive rāya ā kuhacidvide |
- 7.032.19c naḥi tvad anyan maghavan na āpyam vasyo asti pitā cana ||
- 7.032.20a taranir it siṣāsati vājam purandhyā yujā |
- 7.032.20c ā va indram puruhūtam name girā nemim taṣṭeva sudrvam ||
- 7.032.21a na duṣṭutī martyo vindate vasu na sredhantam rayir naṣat |
- 7.032.21c suśaktir in maghavan tubhyam māvate deṣnam yat pārye divi ||
- 7.032.22a abhi tvā sūra nonumo dūgdhā iva dhenavaḥ |
- 7.032.22c īśānam asya jagataḥ svardṛśam īśānam indra taṣṭhuṣah ||
- 7.032.23a na tvāvam̄ anyo divyo na pārthivo na jāto na jāniṣyate |
- 7.032.23c aśvāyantō maghavann indra vājino gavvyantas tvā havāmahe ||
- 7.032.24a abhi ṣatas tad ā bharendra jyāyaḥ kanīyasaḥ |
- 7.032.24c purūvasur hi maghavan sanād asi bhare-bhare ca havyah ||
- 7.032.25a parā ṇudasva maghavann amitrān suvedā no vasu kṛdhi |
- 7.032.25c asmākam bodhy avitā mahādhane bhavā vṛdhaḥ sakhinām ||
- 7.032.26a indra kratum na ā bhāra pitā putrebhyo yathā |
- 7.032.26c śikṣā no asmin puruhūta yāmani jīvā jyotir aśimahi ||
- 7.032.27a mā no ajñātā vṛjanā durādhyo māśivāso ava kramuh |
- 7.032.27c tvayā vāyam pravataḥ śaśvatir apo ti sūra tarāmasi ||
- 7.033.01a svityaṅcō mā dakṣiṇataskapardā dhiyañjinvāso abhi hi pramanduḥ |
- 7.033.01c uttiṣṭhan voce pari barhiṣo nr̥ṇ na me dūrād avitave vasiṣṭhah ||
- 7.033.02a dūrād indram anayann ā sutena tiro vaiśantam ati pāntam ugram |
- 7.033.02c pāśadyumnasya vāyatasya somāt sutād indro vṛṇitā vasiṣṭhān ||
- 7.033.03a even nu kam sindhum ebhis tatāreven nu kam bhedam ebhir jaghāna |

7.033.03c even nu kām dāśarājñe sudāsam prāvād indro brahmaṇā vo vasiṣṭhāḥ ||  
 7.033.04a juṣṭi narō brahmaṇā vaḥ pitṛṇām akṣam avyayaṁ na kilā riṣātha |  
 7.033.04c yac chakvarīṣu br̥hataḥ ravenendre śuṣmam adadhātā vasiṣṭhāḥ ||  
 7.033.05a ud dyām ivet tṛṣṇajo nāthitāso 'didhayur dāśarājñe vṛtāsaḥ |  
 7.033.05c vasiṣṭhasya stuvata indro aśrod uruṁ tṛtsubhyo akr̥nod u lokam ||  
 7.033.06a daṇḍā ived goajanāsa āsan paricchinnā bharatā arbhaḥkāsaḥ |  
 7.033.06c abhavac ca puraetā vasiṣṭha ād it tṛtsūnām viśo aprathanta ||  
 7.033.07a trayah kṛṇvanti bhuvaneṣu retas tisraḥ prajā āryā jyotiragrāḥ |  
 7.033.07c trayo gharmāsa uṣasam sacante sarvām it tāṁ anu vidur vasiṣṭhāḥ ||  
 7.033.08a sūryasyeva vakṣatho jyotir eṣām samudrasyeva mahimā gabhīraḥ |  
 7.033.08c vātasyeva prajavo nānyena stomō vasiṣṭhā anvetave vaḥ ||  
 7.033.09a ta in niṇyam hr̥dayasya praketaiḥ sahasravalśam abhi sam caranti |  
 7.033.09c yamena tatam pariḍhim vayanto 'psarasa upa sedur vasiṣṭhāḥ ||  
 7.033.10a vidyuto jyotiḥ pari sañjihānam mitrāvaruṇā yad apaśyatām tvā |  
 7.033.10c tat te janmotaikam vasiṣṭhāgastyo yat tvā viśa ājabhāra ||  
 7.033.11a utāsi maitrāvaruṇo vasiṣṭhorvasyā brahman manaso 'dhi jātaḥ |  
 7.033.11c drapsam skannam brahmaṇā daivyena viśve devāḥ puṣkare tvādadanta ||  
 7.033.12a sa praketa ubhayasya pravīdvān sahasradāna uta vā sadānaḥ |  
 7.033.12c yamena tatam pariḍhim vaiṣyann apsarasaḥ pari jāñe vasiṣṭhāḥ ||  
 7.033.13a satre ha jātv iṣitā namobhiḥ kumbhe retah siṣicatuh samānam |  
 7.033.13c tato ha māna ud iyāya madhyāt tato jātam ṛṣim āhur vasiṣṭham ||  
 7.033.14a ukthabhṛtam sāmabhṛtam bibharti grāvāṇam bibhrat pra vadāty agre |  
 7.033.14c upainam ādhvam sumanasyamānā ā vo gacchāti pratṛdo vasiṣṭhaḥ ||

7.034.01 pra śukraitu devī mañiṣā asmat sutasṭo ratho na vājī ||  
 7.034.02 viduḥ pṛthivyā divo janitram śṛṇvanty āpo adha kṣarantīḥ ||  
 7.034.03 āpaś cid asmaḥ pinvanta pṛthvīr vṛtreṣu sūrā maṁsanta ugrāḥ ||  
 7.034.04 ā dhūrṣv asmaḥ dadhātāsvān indro na vajri hiranyabāhuḥ ||  
 7.034.05 abhi pra sthātāheva yajñam yāteva patman tmanā hinota ||  
 7.034.06 tmanā samatsu hinota yajñam dadhāta ketum janāya vīram ||  
 7.034.07 ud aśya śuṣmād bhānur nārta bibharti bhāram pṛthivī na bhūma ||  
 7.034.08 hvayāmi devām ayātur agne sādhan rtena dhiyam dadhāmi ||  
 7.034.09 abhi vo devīm dhiyam dadhidhvam pra vo devatrā vācam kṛṇudhvam ||  
 7.034.10 ā caṣṭa āsām pātho nadīnām varuṇa ugrāḥ sahasracakṣāḥ ||  
 7.034.11 rājā rāṣṭrānām peśo nadīnām anuttam asmaḥ kṣatram viśvāyu ||  
 7.034.12 aviṣṭo asmān viśvāsu vikṣv adyūm kṛṇota śamsam ninitsoḥ ||  
 7.034.13 vy etu didyud dviṣām asevā yuyota viśvag rapas tanūnām ||  
 7.034.14 avin no agnir havyān namobhiḥ preṣṭho asmā adhāyi stomah ||  
 7.034.15 sajūr devebhīr apām napātām sakhāyam kṛdhvam śivo no astu ||  
 7.034.16 abjām ukthair ahim gr̥ṇiṣe budhne nadīnām rajassu śidān ||  
 7.034.17 mā no 'hir budhnyo riṣe dhān mā yajño aśya sridhad ṛtāyoh ||



7.034.18 uta nā eṣu nr̥ṣu śravo dhuḥ pra rāye yantu śardhanto aṛyaḥ ||  
 7.034.19 tapanti śatruṃ svaīr na bhūmā mahāsenāso amebhir eṣām ||  
 7.034.20 ā yan naḥ patnīr gamanty acchā tvaṣṭā supānir dadhātu vīrān ||  
 7.034.21 prati nā stomam tvaṣṭā juṣeta syād asme aramatir vasūyuh ||  
 7.034.22a tā no rāsan rātiṣāco vasūny ā rodasī varuṇānī śṛnotu |  
 7.034.22c varūtribhiḥ suśaraṇo no astu tvaṣṭā sudatro vi dadhātu rāyaḥ ||  
 7.034.23a tan no rāyaḥ parvatās tan na āpas tad rātiṣāca ośadhīr uta dyauḥ |  
 7.034.23c vanaspatibhiḥ pṛthivī sajoṣā ubhe rodasī parī pāsato naḥ ||  
 7.034.24a anu tad urvī rodasī jihātām anu dyukṣo varuṇa indrasakhā |  
 7.034.24c anu viśve maruto ye saḥāso rāyaḥ syāma dharuṇam dhiyadhyai ||  
 7.034.25a tan na indro varuṇo mitro agnir āpa ośadhīr vanino juṣanta |  
 7.034.25c śarman syāma marutām upasthe yūyam pāta svastibhiḥ sadā naḥ ||

7.035.01a śam nā indrāgnī bhavatām avobhiḥ śam nā indrāvaruṇā rātahavyā |  
 7.035.01c śam indrasomā suvitāya śam yoḥ śam nā indrapūṣaṇā vājasātau ||  
 7.035.02a śam no bhagaḥ śam u naḥ śamsa astu śam naḥ purandhiḥ śam u santu rāyaḥ |  
 7.035.02c śam naḥ satyasya suyamasya śamsaḥ śam no aṛyamā purujāto astu ||  
 7.035.03a śam no dhātā śam u dhartā no astu śam nā urūcī bhavatu svadhābhiḥ |  
 7.035.03c śam rodasī brhatī śam no adriḥ śam no devānām suhavanī santu ||  
 7.035.04a śam no agnir jyotiranīko astu śam no mitravaruṇāv aśvinā śam |  
 7.035.04c śam naḥ sukṛtām sukṛtānī santu śam nā iṣiro abhi vātu vātaḥ ||  
 7.035.05a śam no dyāvāpṛthivī pūrvahūtau śam antarikṣam dṛśaye no astu |  
 7.035.05c śam nā ośadhīr vanino bhavantu śam no rajasas patir astu jīṣnuḥ ||  
 7.035.06a śam nā indro vasubhir devo astu śam ādityebhir varuṇaḥ suśamsaḥ |  
 7.035.06c śam no rudro rudrebhir jalāṣaḥ śam naś tvaṣṭā gnābhir iha śṛnotu ||  
 7.035.07a śam naḥ somo bhavatu brahma śam naḥ śam no grāvāṇaḥ śam u santu yajñāḥ |  
 7.035.07c śam naḥ svaruṇām mitayo bhavantu śam naḥ prasvalīḥ śam v astu vedīḥ ||  
 7.035.08a śam naḥ sūrya urucakṣā ud etu śam naś catasraḥ praḍiśo bhavantu |  
 7.035.08c śam naḥ parvatā dhruvayo bhavantu śam naḥ sindhavaḥ śam u santv āpaḥ ||  
 7.035.09a śam no aditir bhavatu vratebhiḥ śam no bhavantu marutaḥ svarkāḥ |  
 7.035.09c śam no viṣnuḥ śam u pūṣā no astu śam no bhavitram śam v astu vāyuh ||  
 7.035.10a śam no devaḥ savitā trāyamāṇaḥ śam no bhavantuśaso vibhātīḥ |  
 7.035.10c śam naḥ parjanyaḥ bhavatu prajābhyaḥ śam naḥ kṣetrasya patir astu śambhuḥ ||  
 7.035.11a śam no devā viśvadevā bhavantu śam sarasvatī saha dhībhir astu |  
 7.035.11c śam abhiṣācaḥ śam u rātiṣācaḥ śam no divyāḥ pāthivāḥ śam no apyāḥ ||  
 7.035.12a śam naḥ satyasya patayo bhavantu śam no arvantaḥ śam u santu gāvaḥ |  
 7.035.12c śam nā rbhavaḥ sukṛtaḥ suhastāḥ śam no bhavantu pitaro haveṣu ||  
 7.035.13a śam no aja ekapād devo astu śam no 'hir budhnyalīḥ śam samudraḥ |  
 7.035.13c śam no apām napāt perur astu śam naḥ pṛṣnīr bhavatu devagopā ||  
 7.035.14a ādityā rudrā vasavo juṣantedam brahma kriyamāṇam navīyaḥ |  
 7.035.14c śṛṇvantu no divyāḥ pāthivāso gojātā uta ye yajñiyāsaḥ ||

7.035.15a ye devānām yajñiyā yajñiyānām manor yajatrā amṛtā ṛtajñāḥ |  
7.035.15c te nō rāsantām urugāyam adya yūyam pāta svastibhiḥ sadā naḥ ||

7.036.01a pra brahmaitu sadanād ṛtasya vi raśmibhiḥ sasrje sūryo gāḥ |  
7.036.01c vi sānūnā pṛthivī śasra urvī pṛthu pratikam adhy edhe agniḥ ||  
7.036.02a imām vām mitrāvaruṇā suvrktim iṣam na kṛṇve asurā navīyaḥ |  
7.036.02c ino vām anyah padavīr adābdho janam ca mitro yatati bruvānaḥ ||  
7.036.03a ā vātasya dhrajato ranta ityā apīpayanta dhenavo na sūdāḥ |  
7.036.03c mahō divaḥ sadane jāyamāno cikradad vṛṣabhaḥ sasminn ūdhan ||  
7.036.04a girā ya etā yunajad dhari ta indra priyā surathā sūra dhāyū |  
7.036.04c pra yo manyum ririkṣato mināty ā sukratum aryamaṇam vavrtyām ||  
7.036.05a yajante asya sakhyam vayas ca namasvinaḥ sva ṛtasya dhāman |  
7.036.05c vi pṛkṣo bābadhe nṛbhi stavāna idam namo rudrāya preṣṭham ||  
7.036.06a ā yat sākam yaśaso vāvaśānāḥ sarasvatī saptathī sindhumātā |  
7.036.06c yāḥ suṣvayanta sudughāḥ sudhārā abhi svena payasā pipyānāḥ ||  
7.036.07a uta tye nō maruto mandasānā dhiyam tokam ca vājino vantu |  
7.036.07c mā naḥ pari khyad akṣarā caranty avivṛdhan yujyam te rayim naḥ ||  
7.036.08a pra vo mahim aramatim kṛnudhvam pra pūṣaṇam vidathya im na vīram |  
7.036.08c bhagam dhiyo vitaram no aśyāḥ sātau vājam rātiśacam purandhim ||  
7.036.09a acchāyam vo marutaḥ śloka etv acchā viṣnum niśikṭapām avobhiḥ |  
7.036.09c uta prajāyai grṇate vayo dhur yūyam pāta svastibhiḥ sadā naḥ ||

7.037.01a ā vo vāhiṣṭho vahatu stavadhyaī rathō vājā ṛbhukṣaṇo amṛktaḥ |  
7.037.01c abhi tripṛṣṭhaiḥ savaneṣu somair madē suśiprā mahabhiḥ pṛnadhvam ||  
7.037.02a yūyam ha ratnam maghavatsu dhattha svardṛśā ṛbhukṣaṇo amṛktaḥ |  
7.037.02c sam yajñeṣu svadhāvantah pibadhvam vi nō rādhāmsi matibhir dayadhvam ||  
7.037.03a uvocitha hi maghavan deṣṇam mahō arbhasya vasuno vibhāge |  
7.037.03c ubhā te pūrṇā vasunā gabhastī na sūnṛtā ni yamate vasavyā ||  
7.037.04a tvam indra svayaśā ṛbhukṣā vājo na sādthur astam eṣy rkvā |  
7.037.04c vayam nu te dāśvāmsaḥ syāma brahma kṛṇvanto harivo vasiṣṭhāḥ ||  
7.037.05a sanītāsi pravato dāśuṣe cid yābhir viveṣo haryaśva dhībhiḥ |  
7.037.05c vāvanmā nu te yujyābhir ūti kadā na indra rāya ā dāśasyeḥ ||  
7.037.06a vāsayasīva vedhasas tvam naḥ kadā na indra vacaso bubodhaḥ |  
7.037.06c astam tātyā dhiyā rayim suvīram pṛkṣo nō arvā ny uhīta vāji ||  
7.037.07a abhi yam devī nirṛtiś cid īśe nakṣanta indram śaradaḥ supṛkṣaḥ |  
7.037.07c upā tribandhur jaradaṣṭim ety asvaveśam yam kṛṇavanta martāḥ ||  
7.037.08a ā nō rādhāmsi savita stavadhyaī ā rāyo yantu parvatasya rātau |  
7.037.08c sadā nō divyaḥ pāyuh siṣaktu yūyam pāta svastibhiḥ sadā naḥ ||

7.038.01a ud u śya devaḥ savitā yāyāma hiraṇyayim amatim yam aśisret |  
7.038.01c nūnam bhago havyo mānuṣebhir vi yo ratnā purūvasur dadhāti ||

7.038.02a ud ū tiṣṭha savitaḥ śrudhy aśya hiraṇyapāṇe prabhṛtāv ṛtasya |  
 7.038.02c vy uīrvīm pṛthvīm amatīm sṛjāna ā nr̥bhyo martabhojanaṁ suvānaḥ ||  
 7.038.03a api ṣṭutaḥ savitā devo astu yam ā cid viśve vasavo gr̥nanti |  
 7.038.03c sa na stomān namaśyaś cano dhād viśvebhiḥ pātu pāyubhir ni sūrīn ||  
 7.038.04a abhi yaṁ devy aditir gr̥nāti savam devasya savitur juṣāṇā |  
 7.038.04c abhi samrājo varuṇo gr̥nanti abhi mītrāso aryamā sajośāḥ ||  
 7.038.05a abhi ye mītho vanuṣaḥ sapante rātim divo rātiśācaḥ pṛthivyāḥ |  
 7.038.05c ahir budhnya uta naḥ śṛnotu varūtry ekadhenubhir ni pātu ||  
 7.038.06a anu tan no jāspatir maṁsīṣṭa ratnaṁ devasya savitur iyānaḥ |  
 7.038.06c bhagām ugro 'vase johavīti bhagām anugro adha yāti ratnaṁ ||  
 7.038.07a śam no bhavantu vājino haveṣu devatātā mītradraḥ svarkāḥ |  
 7.038.07c jambhayanto 'him vṛkam rakṣāmsi sanemy asmā yuyavann amīvāḥ ||  
 7.038.08a vāje-vāje 'vata vājino no dhaneṣu viprā amṛtā ṛtajñāḥ |  
 7.038.08c asya madhvāḥ pibata mādayadhvam tṛptā yāta pathibhir devayānaiḥ ||

7.039.01a ūrdhvo agniḥ sumatīm vasvo āsret pratīcī jūrṇir devatātīm eti |  
 7.039.01c bhejāte adri rathyeva panthām ṛtam hotā na iṣito yajāti ||  
 7.039.02a pra vāvṛje suprayā barhir eṣām ā viśpatīva bīriṭa iyāte |  
 7.039.02c viśām aktor uśasaḥ pūrvahūtau vāyuh pūṣā svastayē niyutvān ||  
 7.039.03a jmayā atra vasavo ranta devā urāv antarikṣe marjayanta śubhrāḥ |  
 7.039.03c arvāk patha urujrayaḥ kṛnudhvaṁ śrotā dūtasya jagmuṣo no asya ||  
 7.039.04a te hi yajñeṣu yajñiyāsa ūmāḥ sadhasthām viśve abhi santi devāḥ |  
 7.039.04c tāṁ adhvara uśato yakṣy agne śruṣṭi bhagām nāsatyā purandhim ||  
 7.039.05a āgne giro diva ā pṛthivyā mītram vaha varuṇam indram agnim |  
 7.039.05c āryamaṇam aditīm viṣnum eṣām sarasvatī maruto mādayantām ||  
 7.039.06a rare havyam matibhir yajñiyānām nakṣat kāmam martyānām asinvan |  
 7.039.06c dhātā rayim avidasyaṁ sadāsām sakṣīmahī yujyebhir nu devaiḥ ||  
 7.039.07a nū rodasī abhiṣṭute vasiṣṭhair ṛtāvāno varuṇo mītro agniḥ |  
 7.039.07c yacchantu candrā upamam no arkaṁ yūyam pāta svastibhiḥ sadā naḥ ||

7.040.01a o śruṣṭir vidathyā<sup>3</sup> sam etu prati stomam dadhimahi turāṇām |  
 7.040.01c yad adya devaḥ savitā suvāti syāmāsyā ratnino vibhāge ||  
 7.040.02a mītras tan no varuṇo rodasī ca dyubhaktam indro aryamā dadātu |  
 7.040.02c dideṣtu devy aditī rekṇo vāyus ca yan niyuvaite bhagaś ca ||  
 7.040.03a sed ugro astu marutaḥ sa śuṣmī yam martyam pṛsadaśvā avātha |  
 7.040.03c utem agniḥ sarasvatī junanti na tasyā rāyaḥ paryetāsti ||  
 7.040.04a ayam hi netā varuṇa ṛtasya mītro rājāno aryamāpo dhuḥ |  
 7.040.04c suhavā devy aditir anarvā te no amho ati parṣann ariṣṭān ||  
 7.040.05a asya devasya mīlhuṣo vayā viṣṇor eṣasya prabhṛthe havirbhiḥ |  
 7.040.05c vide hi rudro rudriyam mahitvam yāsiṣṭam vartir āsvināv irāvat ||  
 7.040.06a mātra pūṣann āghṛṇa irasyo varūtrī yad rātiśācaś ca rāsan |

7.040.06c mayobhuvó no arvanto ni pāntu vṛṣṭim pariṁmā vāto dadātu ||  
7.040.07a nū rodasī abhiṣṭute vasiṣṭhair ṛtāvāno varuṇo mitro agniḥ |  
7.040.07c yacchantu candrā upamam no arkaṁ yūyam pāta svastibhiḥ sadā naḥ ||

7.041.01a prātar agnim prātar indraṁ havāmahe prātar mitrāvaruṇā prātar aśvinā |  
7.041.01c prātar bhagam pūṣaṇam brahmaṇas patim prātaḥ somam uta ruḍraṁ huvema ||  
7.041.02a prātarjitam bhagam ugraṁ huvema vayam putram aditer yo vidhartā |  
7.041.02c ādhraś cid yam manyamānas turaś cid rājā cid yam bhagam bhakṣity āha ||  
7.041.03a bhaga pranetar bhaga satyarādho bhagemām dhiyam ud avā dadan naḥ |  
7.041.03c bhaga pra no janaya gobhir aśvair bhaga pra nrbhir nrvantaḥ syāma ||  
7.041.04a utedānim bhagavantaḥ syāmoṭa prapitva uta madhye ahnām |  
7.041.04c utoditā maghavan sūryasya vayam devānām sumatau syāma ||  
7.041.05a bhaga eva bhagavāṁ astu devās tena vayam bhagavantaḥ syāma |  
7.041.05c tam tvā bhaga sarva ij johavitī sa no bhaga puraetā bhaveha ||  
7.041.06a sam adhvarāyośaso namanta dadhikrāveva śucaye padāya |  
7.041.06c arvācīnam vasuvidam bhagam no ratham ivāśvā vājina ā vahantu ||  
7.041.07a aśvāvatir gomatir na uśāso vīravatiḥ sadam ucchantu bhadraḥ |  
7.041.07c ghr̥tam duhānā viśvataḥ prapitā yūyam pāta svastibhiḥ sadā naḥ ||

7.042.01a pra brahmāno aṅgirasō naksanta pra krandanur nabhanyasya vetu |  
7.042.01c pra dhenava udapruto navanta yujyātām adri adhvarasya peśaḥ ||  
7.042.02a sugas te agne sanavitto adhvā yukṣvā sute harito rohitaś ca |  
7.042.02c ye vā sadmann aruṣā vīravāho huve devānām janimāni sattaḥ ||  
7.042.03a sam u vo yajñam mahayan namobhiḥ pra hotā mandro ririca upāke |  
7.042.03c yajasva su purvaṅka devān ā yajñiyām aramatim vavrtyāḥ ||  
7.042.04a yadā vīrasya revato durone syonaśir atithir āciketāt |  
7.042.04c suprito agniḥ sudhito dama ā sa viśe dāti vāryam iyatyai ||  
7.042.05a imaṁ no agne adhvaram juśasva marutsv indre yaśasam kṛdhī naḥ |  
7.042.05c ā naktā barhiḥ sadatām uśāsośantā mitrāvaruṇā yajeha ||  
7.042.06a evāgnim sahasyaīm vasiṣṭho rāyaskāmo viśvapsnyasya staut |  
7.042.06c iṣam rayim paprathad vājām asme yūyam pāta svastibhiḥ sadā naḥ ||

7.043.01a pra vo yajñeṣu devayanto arcan dyāvā namobhiḥ pṛthivī iśadhyai |  
7.043.01c yeśam brahmāny asamāni viprā viśvag viyanti vanino na śākhāḥ ||  
7.043.02a pra yajña etu hetvo na saptir ud yacchadhvam samānaso ghr̥tāciḥ |  
7.043.02c str̥ṇita barhir adhvarāya sādhr̥dhvā śocim̄si devayūny asthuḥ ||  
7.043.03a ā putrāso na mātaram vibhr̥trāḥ sānau devāso barhiṣaḥ sadantu |  
7.043.03c ā viśvāci vidathyām anaḥtv agne mā no devatātā mrdhas kaḥ ||  
7.043.04a te siśapanta joṣam ā yajatrā ṛtasya dhārāḥ sudughā duhānāḥ |  
7.043.04c jyeṣṭham vo adya maha ā vasūnām ā gāntana samānaso yaṭi ṣṭha ||  
7.043.05a evā no agne vikṣv ā daśasya tvayā vayam sahasāvann āskrah |

7.043.05c rāyā yujā sādhamādo ariṣṭā yūyam pāta svastibhiḥ sadā naḥ ||

7.044.01a dadhikrām vaḥ prathamam aśvinoṣasam agnim samiddham bhagam ūtaye huve |

7.044.01c indram viṣṇum pūṣaṇam brahmaṇas patim ādityān dyāvāpṛthivī apah svah ||

7.044.02a dadhikrām u namasā bodhayanta udīrānā yajñam upaprayantaḥ |

7.044.02c ilām devīm barhiṣi sādayantō 'śvinā viprā suhavā huvema ||

7.044.03a dadhikrāvāṇam bubudhāno agnim upa bruva uṣasam sūryam gam |

7.044.03c bradhnam māṁscator varuṇasya babhrum te viśvāsmad duritā yāvayantu ||

7.044.04a dadhikrāvā prathamō vājy arvāgre rathānām bhavati prajānan |

7.044.04c samvidāna uṣasā sūryeṇādityebhir vasubhir aṅgirobhiḥ ||

7.044.05a ā no dadhikrāḥ pathyām anaktv ṛtasya panthām anvetāvā u |

7.044.05c śṛnotu no daivyaṁ śardho agniḥ śṛnvantu viśve mahiṣā amūrāḥ ||

7.045.01a ā devo yātu savitā suratno 'ntarikṣaprā vahamāno aśvaiḥ |

7.045.01c haste dadhāno naryā purūṇi niveśayañ ca prasuvañ ca bhūmā ||

7.045.02a ud asya bāhū śithirā brhantā hiraṇyayā divo antāṁ anaṣṭam |

7.045.02c nūnam so asya mahimā paṇiṣṭa sūras cid asmā anu dād apasyām ||

7.045.03a sa ghā no devaḥ savitā sahāvā sāviṣad vasupatir vasūni |

7.045.03c viśrayamāno amatim urūcim mārtabhojanam adhā rāsate naḥ ||

7.045.04a imā girah savitāram sujihvam pūrṇagabhastim ilate supānim |

7.045.04c citram vayo brhad asme dadhātu yūyam pāta svastibhiḥ sadā naḥ ||

7.046.01a imā rudrāya sthiradhanvane girah kṣipreṣave devāya svadhāvne |

7.046.01c aśālhāya sahamānāya vedhase tigmāyudhāya bharatā śṛnotu naḥ ||

7.046.02a sa hi kṣayeṇa kṣamyasya janmanaḥ sāmrajyena divyasya cetati |

7.046.02c avann avantir upa no duras carānamivo rudrā jāsū no bhava ||

7.046.03a yā te didyud avasrṣṭā divas pari kṣmayā carati pari sā vṛṇaktu naḥ |

7.046.03c sahasram te svapivāta bheṣajā mā nas tokeṣu tanayeṣu rīriṣaḥ ||

7.046.04a mā no vadhī rudrā mā parā dā mā te bhūmā prasitau hilitasya |

7.046.04c ā no bhaja barhiṣi jivaśamse yūyam pāta svastibhiḥ sadā naḥ ||

7.047.01a āpo yaṁ vaḥ prathamam devayanta indrapānam ūrmim akrṇvateḥ |

7.047.01c tam vo vyaṁ śucim aripram adya ghṛtapruṣam madhumantaṁ vanema ||

7.047.02a tam ūrmim āpo madhumattamaṁ vo 'pām napād avatv āśuhemā |

7.047.02c yasminn indro vasubhir mādayāte tam aśyāma devayanto vo adya ||

7.047.03a śatapavitrāḥ svadhayā madantir devir devānām api yanti pāthaḥ |

7.047.03c tā indrasya na minanti vratāni sindhubhyo havyam ghṛtavaj juhota ||

7.047.04a yāḥ sūryo rasmibhir ātatāna yābhya indro arādad gātum ūrmim |

7.047.04c te sindhavo varivo dhātānā no yūyam pāta svastibhiḥ sadā naḥ ||

7.048.01a rbhuksaṇo vājā mādayadhvam asme nāro maghavānaḥ sutasya |

7.048.01c ā vo 'rvācaḥ kratavo na yātām vibhvo rathan naryam vartayantu ||  
 7.048.02a rbhur rbhubhir abhi vaḥ syāma vibhvo vibhubhiḥ śavasā śavāmsi |  
 7.048.02c vājo asmāṁ avatu vājasātāv indreṇa yujā taruṣema vṛtram ||  
 7.048.03a te cid dhi pūrvīr abhi santi śāsā viśvām aṛya uparatāti vanvan |  
 7.048.03c indro vibhvām rbhuksā vājo aṛyaḥ śatror mithatyā kṛṇavan vi nṛmṇam ||  
 7.048.04a nū devāso varivaḥ kartanā no bhūta no viśve 'vase sajoṣāḥ |  
 7.048.04c sam asme iṣam vasavo dadīran yūyam pāta svastibhiḥ sadā naḥ ||

7.049.01a samudrajyeṣṭhāḥ salilasya madhyāt punānā yanty anivīsamānāḥ |  
 7.049.01c indro yā vajrī vṛṣabho rarāda tā āpo devīr iha mām avantu ||  
 7.049.02a yā āpo divyā uta vā sravanti khanitrimā uta vā yāḥ svayañjāḥ |  
 7.049.02c samudrārthā yāḥ śucayaḥ pāvakās tā āpo devīr iha mām avantu ||  
 7.049.03a yāsām rājā varuṇo yāti madhye satyānrte avapaśyañ janānām |  
 7.049.03c madhuścutaḥ śucayo yāḥ pāvakās tā āpo devīr iha mām avantu ||  
 7.049.04a yāsu rājā varuṇo yāsu somo viśve devā yāsūrjam madanti |  
 7.049.04c vaiśvānaro yāsv agniḥ praviṣṭas tā āpo devīr iha mām avantu ||

7.050.01a ā mām mitrāvaruṇeḥa rakṣatam kulāyayad viśvayan mā na ā gan |  
 7.050.01c ajakāvam durdṛśikam tiro dadhe mā mām padyena rapasā vidat tsaruḥ ||  
 7.050.02a yad vijāman paruṣi vandānam bhuvad aṣṭhīvantau pari kulphau ca dehat |  
 7.050.02c agniḥ ṭac chocann apa bādhatām ito mā mām padyena rapasā vidat tsaruḥ ||  
 7.050.03a yac chālmalau bhavati yan nadīṣu yad ośadhībhyaḥ pari jāyate viṣam |  
 7.050.03c viśve devā nir itas tat sūvantu mā mām padyena rapasā vidat tsaruḥ ||  
 7.050.04a yāḥ pravato nivata udvata udanvatīr anudakās ca yāḥ |  
 7.050.04c tā asmabhyam payasā pinvamānāḥ śivā devīr aśipadā bhavantu sarvā nadyo aśimidā bhavantu ||

7.051.01a ādityānām avasā nūtanena sakṣīmaḥi śarmanā śantāmena |  
 7.051.01c anāgāstve adititve turāsā imām yajñam dadhatu śroṣamānāḥ ||  
 7.051.02a ādityāso aditir mādayantām mitro aṛyamā varuṇo rajīṣṭhāḥ |  
 7.051.02c asmākam santu bhuvanasya gopāḥ pibantu somam avase no adya ||  
 7.051.03a ādityā viśve marutaś ca viśve devāś ca viśva rbhavaś ca viśve |  
 7.051.03c indro agniḥ aśvinā tuṣṭuvānā yūyam pāta svastibhiḥ sadā naḥ ||

7.052.01a ādityāso aditayaḥ syāma pūr devatrā vasavo martyatrā |  
 7.052.01c sanema mitrāvaruṇā sananto bhavema dyāvapṛthivī bhavantaḥ ||  
 7.052.02a mitras tan no varuṇo māmahanta śarmā tokāya tanāyāya gopāḥ |  
 7.052.02c mā vo bhujemānyajātām eno mā tat karma vasavo yac cayadhve ||  
 7.052.03a turanyavo ngīraso nakṣanta ratnam devasya savitur iyānāḥ |  
 7.052.03c pitā ca tan no mahān yajatro viśve devāḥ samānaso juṣanta ||

7.053.01a pra dyāvā yajñaiḥ pṛthivī namobhiḥ sabādhaḥ ilē bṛhatī yajatṛe |  
 7.053.01c te cid dhi pūrve kavayo gṛnantāḥ puro mahī dādhire devapūtre ||  
 7.053.02a pra pūrvaje pitarā navyasibhir gīrbhiḥ kṛnudhvaṃ sadane ṛtasya |  
 7.053.02c ā no dyāvāpṛthivī daivyena janena yātam mahi vām varūtham ||  
 7.053.03a uto hi vām ratnadheyāni santi purūṇi dyāvāpṛthivī sudāse |  
 7.053.03c asme dhattam yad aśad askṛdhoyu yūyam pāta svastibhiḥ sadā naḥ ||

7.054.01a vāstoḥ pate prati jānihy asmān svāveśo anamīvo bhavā naḥ |  
 7.054.01c yat tvemahe prati tan no juṣasva śam no bhava dvipade śam catuspade ||  
 7.054.02a vāstoḥ pate prataraṇo na edhi gayasphāno gobhir aśvebhir indo |  
 7.054.02c ajarāsas te sakhye syāma piteva putrān prati no juṣasva ||  
 7.054.03a vāstoḥ pate śagmayā samsadā te sakṣimahi raṇvayā gātumatyā |  
 7.054.03c pāhi kṣema uta yoge varam no yūyam pāta svastibhiḥ sadā naḥ ||

7.055.01a amīvahā vāstoḥ pate viśvā rūpāny āviśan |  
 7.055.01c sakhā suśeva edhi naḥ ||  
 7.055.02a yad arjuna sārameya dataḥ piśaṅga yacchase |  
 7.055.02c vīva bhrājanta rṣṭaya upa srakveṣu bapsato ni ṣu svāpa ||  
 7.055.03a stenam rāya sārameya taskaram vā punaḥsara |  
 7.055.03c stoṭṛn indrasya rāyasi kim asmān ducchunāyase ni ṣu svāpa ||  
 7.055.04a tvaṃ sūkarasya dardṛhi tava dardartu sūkaraḥ |  
 7.055.04c stoṭṛn indrasya rāyasi kim asmān ducchunāyase ni ṣu svāpa ||  
 7.055.05a sastu mātā sastu pitā sastu śvā sastu viśpatiḥ |  
 7.055.05c sasantu sarve jñātayaḥ sastv ayam abhito janaḥ ||  
 7.055.06a ya āste yaś ca carati yaś ca paśyati no janaḥ |  
 7.055.06c teṣām sam hanmo akṣāni yathedaṃ harmyam tathā ||  
 7.055.07a sahasraśrṅgo vṛṣabho yaḥ samudrād udācarat |  
 7.055.07c tenā sahasyenā vayam ni janān svāpayāmasi ||  
 7.055.08a proṣṭheśayā vahyeśayā nārīr yās talpaśīvarīḥ |  
 7.055.08c striyo yāḥ puṇyagandhās tāḥ sarvāḥ svāpayāmasi ||

7.056.01a ka im vyaktā naraḥ sanīlā rudrasya maryā adha svaśvāḥ ||  
 7.056.02a nakir hy eśam janūmṣi veda te aṅga vidre mitho janitram ||  
 7.056.03a abhi svapūbhir mitho vapanta vātasvanasaḥ śyenā asṛdhran ||  
 7.056.04a etāni dhīro niṇyā ciketa pṛśnir yad ūdho mahi jabhāra ||  
 7.056.05a sā viṭ suvirā marudbhir astu sanāt sahanṭi puṣyantī nṛmṇam ||  
 7.056.06a yāmaṃ yeṣṭhāḥ śubhā śobhiṣṭhāḥ śriyā sammiślā ojobhir ugrāḥ ||  
 7.056.07a ugram va oja sthīrā śavāmsy adhā marudbhir gaṇas tuviśmān ||  
 7.056.08a śubhro vaḥ śuṣmaḥ krudhmī manāmṣi dhunir munir iva śardhasya dhṛṣṇoḥ ||  
 7.056.09a sanemy asmad yuyotā didyum mā vo durmatir iha praṇaṇ naḥ ||  
 7.056.10a priyā vo nāma huve turāṇam ā yat tṛpan maruto vāvaśānāḥ ||

7.056.11a svāyudhāsā iṣmiṇaḥ suniṣkā uta svayaṁ tanvaḥ śumbhāmānāḥ ||  
 7.056.12a śucī vo havyā marutaḥ śucinām śucim hinomy adhvaraṁ śucibhyaḥ |  
 7.056.12c ṛtena satyam ṛtasāpā āyañ chucijanmānaḥ śucayaḥ pāvakāḥ ||  
 7.056.13a amseṣv ā marutaḥ khādayo vo vakṣassu rukmā upaśisriyānāḥ |  
 7.056.13c vi vidyuto na vṛṣṭibhī rucānā anu svadhām āyudhair yacchāmānāḥ ||  
 7.056.14a pra budhnyā va irate mahāmsi pra nāmāni prayajyavas tiradhvam |  
 7.056.14c sahasriyaṁ damyaṁ bhāgam etaṁ grhamedhīyaṁ maruto juṣadhvam ||  
 7.056.15a yadi stutasya maruto adhithetthā viprasya vājino havīman |  
 7.056.15c makṣū rāyaḥ suvīryasya dāta nū cid yam anya ādabhad arāvā ||  
 7.056.16a atyāso na ye marutaḥ svañco yakṣadṛṣo na śubhayanta maryāḥ |  
 7.056.16c te harmyeṣṭhāḥ śisavo na śubhrā vatsāso na prakrīlinaḥ payodhāḥ ||  
 7.056.17a daśasyanto no maruto mṛlantu varivasyanto rodasī sumeke |  
 7.056.17c āre gohā nrhā vadho vo astu sumnebhīr asme vasavo namadhvam ||  
 7.056.18a ā vo hotā johavīti sattaḥ satrācīm rātim maruto grṇānaḥ |  
 7.056.18c ya ivato vṛṣaṇo asti gopāḥ so advayāvī havate va ukthaiḥ ||  
 7.056.19a ime turam maruto rāmayantīme sahaḥ sahasā ā namanti |  
 7.056.19c ime śamsam vanuṣyato ni panti guru dveṣo araruṣe dadhanti ||  
 7.056.20a ime radhram cin maruto junanti bhrmim cid yathā vasavo juṣanta |  
 7.056.20c apa bādhadhvaṁ vṛṣaṇas tamāmsi dhatta viśvaṁ tanāyaṁ tokam asme ||  
 7.056.21a mā vo dātṛān maruto nir arāma mā paścād daghma rathyo vibhāge |  
 7.056.21c ā na spārhe bhajatanā vasavyeṣṭ yad im sujātam vṛṣaṇo vo asti ||  
 7.056.22a sam yad dhananta manyubhir janāsaḥ sūrā yahviṣv ośadhīṣu vikṣu |  
 7.056.22c adhā smā no maruto rudriyāsas trātāro bhūta pṛtanāsv ayaḥ ||  
 7.056.23a bhūri cakra marutaḥ pitryāny ukthāni yā vaḥ śasyante purā cit |  
 7.056.23c marudbhīr ugrāḥ pṛtanāsu sālhā marudbhīr it sanitā vājam arvā ||  
 7.056.24a asme vīro marutaḥ śuṣmy astu janānām yo asuro vidhartā |  
 7.056.24c apo yena sukṣitaye taremadha svam oko abhi vaḥ syāma ||  
 7.056.25a tan na indro varuṇo mitro agnir āpa ośadhīr vanino juṣanta |  
 7.056.25c śarman syāma marutām upasthe yūyam pāta svastibhīḥ sadā naḥ ||

7.057.01a madhvo vo nāma mārutaṁ yajatrāḥ pra yajñeṣu śavasā madanti |  
 7.057.01c ye rejayanti rodasī cid urvī pinvanty utsam yad ayāsur ugrāḥ ||  
 7.057.02a nicetāro hi maruto grṇantam praṇetāro yajamānasya manma |  
 7.057.02c asmākam adya vidatheṣu barhir ā vītaye sadata pipriyānāḥ ||  
 7.057.03a naitāvād anye maruto yatheme bhrājante rukmair āyudhais tanūbhīḥ |  
 7.057.03c ā rodasī viśvapiśaḥ piśānāḥ samānam añjy añjate śubhe kam ||  
 7.057.04a rdhak sā vo maruto didyud astu yad va āgāḥ puruṣatā karāma |  
 7.057.04c mā vas tasyām api bhūmā yajatrā asme vo astu sumatīś caniṣṭhā ||  
 7.057.05a kṛte cid atra maruto raṇantānavadyāsaḥ śucayaḥ pāvakāḥ |  
 7.057.05c pra no vata sumatibhir yajatrāḥ pra vājebhis tirata puṣyase naḥ ||  
 7.057.06a uta stutāso maruto vyantu viśvebhīr nāmabhir naro havīmṣi |



7.057.06c dadāta no amṛtasya prajāyai jigṛta rāyaḥ sūnṛtā maḡhāni ||  
7.057.07a ā stutāso maruto viśva ūti acchā sūrīn sarvatātā jigāta |  
7.057.07c ye naś tmanā śatino vardhayanti yūyam pāta svastibhiḥ sadā naḥ ||

7.058.01a pra sākamukṣe arcatā gaṇāya yo daivyasya dhāmnas tuviṣmān |  
7.058.01c uta kṣodanti rodāsī mahitvā nakṣante nākaṁ nirṛter avamśāt ||  
7.058.02a janūs cid vo marutas tveṣyeṇa bhīmāsas tuvīmanyavo 'yāsaḥ |  
7.058.02c pra ye mahobhir ojasota santi viśvo vo yāman bhayate swardṛk ||  
7.058.03a bṛhad vayo maḡhavadbhyo dadhāta jujoṣann in marutaḥ suṣtutim naḥ |  
7.058.03c gato nādhvā vi tirāti jantum pra ṇa spārhabhir ūtibhis tireta ||  
7.058.04a yuṣmoto vipro marutaḥ śatasvī yuṣmoto arvā sahurīḥ sahasrī |  
7.058.04c yuṣmotaḥ samrāl uta hanti vṛtram pra tad vo astu dhūtayo deṣnam ||  
7.058.05a tāṁ ā rudrasya mīlhuṣo vivāse kuvin namsante marutaḥ punar naḥ |  
7.058.05c yat sasvartā jihīlire yad āvir ava tad enā īmahe turānām ||  
7.058.06a pra sā vāci suṣtutir maḡhonām idam sūktam maruto juṣanta |  
7.058.06c ārac cid dveṣo vṛṣaṇo yuyota yūyam pāta svastibhiḥ sadā naḥ ||

7.059.01a yaṁ trāyadhva idam-idam devāso yaṁ ca nayatha |  
7.059.01c tasmā agne varuṇa mitrāryāman marutaḥ śarma yacchata ||  
7.059.02a yuṣmākam devā avasāhani priya ijānas tarati dviṣaḥ |  
7.059.02c pra sa kṣayam tirate vi mahīr iṣo yo vo varāya dāṣati ||  
7.059.03a nahi vās caramam cana vasiṣṭhaḥ parimamsate |  
7.059.03c asmākam adya marutaḥ sute sacā viśve pibata kāmīnaḥ ||  
7.059.04a nahi va ūtiḥ pṛtanāsu mardhati yasmā arādhvam naraḥ |  
7.059.04c abhi va āvart sumatir navīyasī tūyam yāta pipīṣavaḥ ||  
7.059.05a o ṣu ghrīṣvirādhaso yātanāndhāmsi pītaye |  
7.059.05c imā vo havya maruto rare hi kam mo śv aṅnyatra gantana ||  
7.059.06a ā ca no barhiḥ sadatāvītā ca na spārhanī dātave vasu |  
7.059.06c asredhanto marutaḥ some madhau svāheha mādayādhvai ||  
7.059.07a sasvas cid dhi tanvaḥ śumbhamānā ā hamsāso nilapṛṣṭhā apaptan |  
7.059.07c viśvam śardho abhito mā ni śeda nara na raṇvāḥ savāne madantaḥ ||  
7.059.08a yo nō maruto abhi durhrṇāyus tiraś cittāni vasavo jighāmsati |  
7.059.08c druhaḥ pāsān prati sa mucīṣṭa tapīṣṭhena hanmanā hantanā tam ||  
7.059.09a sāntapanā idam havir marutas taj jujuṣṭana |  
7.059.09c yuṣmākotī rīśādasah ||  
7.059.10a gṛhamedhāsa ā gata maruto māpā bhūtana |  
7.059.10c yuṣmākotī sudānavaḥ ||  
7.059.11a iheha vaḥ svatavaṣaḥ kavayaḥ sūryatvacah |  
7.059.11c yajñam maruta ā vṛṇe ||  
7.059.12a tryāmbakam yajāmahe sugandhim puṣṭivardhanam |  
7.059.12c urvārukam iva bandhanān mṛtyor mukṣiya māmṛtāt ||

7.060.01a yad adya sūrya bravo 'nāgā udyan mitrāya varuṇāya satyam |  
 7.060.01c vāyam devatrādite syāma tava priyāso aryaman grṇantaḥ ||  
 7.060.02a eṣa sya mitravaruṇā nṛcakṣā ubhe ud eti sūryo abhi jman |  
 7.060.02c viśvasya sthātur jagataś ca gopā rju marṭeṣu vṛjinā ca paśyan ||  
 7.060.03a ayukta sapta haritaḥ sadhasthād yā im vahanti sūryam ghṛtācīḥ |  
 7.060.03c dhāmāni mitravaruṇā yuvākuḥ sam yo yūtheva janimāni caṣṭe ||  
 7.060.04a ud vām pṛkṣāso madhumanto asthur ā sūryo aruhac chukram arṇaḥ |  
 7.060.04c yasmā ādityā adhvāno radanti mitro aryamā varuṇaḥ sajoṣāḥ ||  
 7.060.05a ime cetāro anṛtasya bhūrur mitro aryamā varuṇo hi santi |  
 7.060.05c ima ṛtasya vāvṛdhur durṇe śagmāsaḥ putrā aditer adabdhāḥ ||  
 7.060.06a ime mitro varuṇo dūlabhāso 'cetasam cic citayanti dakṣaiḥ |  
 7.060.06c api kratum sucetasam vatantaś tiraś cid amhaḥ supathā nayanti ||  
 7.060.07a ime divo animiṣā pṛthivyāś cikivāmsō acetasam nayanti |  
 7.060.07c pravṛje cin nadyo gādham asti pāram no asya viṣpitasya parṣan ||  
 7.060.08a yad gopāvad aditiḥ śarma bhādrām mitro yacchanti varuṇaḥ sudāse |  
 7.060.08c tasminn ā tokam tanayam dadhānā mā karma devahelanam turāsaḥ ||  
 7.060.09a ava vedim hotrābhir yajeta ripaḥ kāś cid varuṇadhruṭaḥ saḥ |  
 7.060.09c pari dveṣobhir aryamā vṛnaktūrum sudāse vṛṣaṇā u lokam ||  
 7.060.10a sasvaś cid dhi samṛtis tveṣy eṣām apīcyena sahasā sahante |  
 7.060.10c yuṣmad bhīyā vṛṣaṇo rejamānā dakṣasya cin mahinā mṛlatā naḥ ||  
 7.060.11a yo brahmaṇe sumatim āyajāte vājasya sātau pāramasya rāyaḥ |  
 7.060.11c sīkṣanta manyum maghavāno aya uru kṣayāya cakrire sudhātu ||  
 7.060.12a iyam deva purohitir yuvabhyām yajñeṣu mitravaruṇāv akāri |  
 7.060.12c viśvāni durgā pipṛtam tiro no yūyam pāta svastibhiḥ sadā naḥ ||

7.061.01a ud vām cakṣur varuṇa supratikam devayor eti sūryas tatanvān |  
 7.061.01c abhi yo viśvā bhuvanāni caṣṭe sa manyum martyeṣv ā ciketa ||  
 7.061.02a pra vām sa mitravaruṇāv ṛtāvā vipro manmāni dirghaśrud iyarti |  
 7.061.02c yasya brahmāni sukratū avātha ā yat kratvā na śaradaḥ pṛnaithe ||  
 7.061.03a proror mitravaruṇā pṛthivyāḥ pra diva ṛṣvād bṛhataḥ sudānū |  
 7.061.03c spaśo dadhāthe ośadhīṣu vikṣv ṛdhag yaṭo animiṣam rakṣamānā ||  
 7.061.04a śamsā mitrasya varuṇasya dhāma śuṣmo rodasī badbadhe mahitvā |  
 7.061.04c ayaṇ māsā ayajvanām avīrāḥ pra yajñamanmā vṛjanam tirāte ||  
 7.061.05a amūrā viśvā vṛṣaṇāv imā vām na yāsu citram dadṛṣe na yakṣam |  
 7.061.05c druhaḥ sacante anṛtā janānām na vām niṇyāny acite abhūvan ||  
 7.061.06a sam u vām yajñam mahayam namobhir huve vām mitravaruṇā sabādhaḥ |  
 7.061.06c pra vām manmany ṛcase navāni kṛtāni brahma jujūṣann imāni ||  
 7.061.07a iyam deva purohitir yuvabhyām yajñeṣu mitravaruṇāv akāri |  
 7.061.07c viśvāni durgā pipṛtam tiro no yūyam pāta svastibhiḥ sadā naḥ ||

7.062.01a ut sūryō br̥had arcīm̐sy āsret puru viśvā janīma mānuṣāṇām |  
 7.062.01c samo divā dadr̥ṣe rocamānaḥ kratvā kṛtaḥ sukṛtaḥ karṭṛbhir bhūt ||  
 7.062.02a sa sūrya prati puro na ud gā ebhi stomebhir etaṣebhir evaiḥ |  
 7.062.02c pra no mitrāya varuṇāya voco nāgaso aryam̐ne agnaye ca ||  
 7.062.03a vi naḥ sahasraṁ śurudho radantv r̥tāvāno varuṇo mitro agniḥ |  
 7.062.03c yacchantu candrā upamaṁ no arkam ā naḥ kāmam pūpurantu stavānaḥ ||  
 7.062.04a dyāvābhūmī adite trāsithām no ye vām jajñuḥ sujanimāna ṛṣve |  
 7.062.04c mā hele bhūma varuṇasya vāyor mā mitrasya priyatamasya nṛṇām ||  
 7.062.05a pra bāhavā sisṛtaṁ jīvasē na ā no gavyūtim ukṣataṁ ghṛtena |  
 7.062.05c ā no janē śravayataṁ yuvānā śrutam me mitravaruṇā havemā ||  
 7.062.06a nū mitro varuṇo aryamā naṣ tmanē tokāya varivo dadhantu |  
 7.062.06c sugā no viśvā supathāni santu yūyam pāta svastibhiḥ sadā naḥ ||

7.063.01a ud v eti subhago viśvacakṣāḥ sādharmaṇaḥ sūryō mānuṣāṇām |  
 7.063.01c cakṣur mitrasya varuṇasya devaṣ carmeva yaḥ samavivyaḥ tamāmsi ||  
 7.063.02a ud v eti prasavitā janānām mahān ketur arṇavaḥ sūryasya |  
 7.063.02c samānaṁ cakram paryāvivr̥tsan yad etaṣo vahati dhūrṣu yuktaḥ ||  
 7.063.03a vibhrājamāna uṣasām upasthād rebhair ud ety anumadyamānaḥ |  
 7.063.03c eṣa me devaḥ savitā cacchanda yaḥ samānaṁ na prāmināti dhāma ||  
 7.063.04a divo rukma urucakṣā ud eti dūrearthas taraṇir bhrājamānaḥ |  
 7.063.04c nūnaṁ janāḥ sūryeṇa prasūtā ayann arthāni kṛṇavann apāmsi ||  
 7.063.05a yatrā cakrur amṛtā gātum asmai śyeno na dīyann anv eti pāthaḥ |  
 7.063.05c prati vām sūra udite vidhema namobhir mitravaruṇota havyaiḥ ||  
 7.063.06a nū mitro varuṇo aryamā naṣ tmanē tokāya varivo dadhantu |  
 7.063.06c sugā no viśvā supathāni santu yūyam pāta svastibhiḥ sadā naḥ ||

7.064.01a divi kṣayantā rajasaḥ pṛthivyām pra vām ghṛtasya nirṇijō dadīran |  
 7.064.01c havyaṁ no mitro aryamā sujāto rājā suksatro varuṇo juṣanta ||  
 7.064.02a ā rājānā maha ṛtasya gopā sindhupati kṣatriyā yātam arvāk |  
 7.064.02c ilām no mitravaruṇota vṛṣṭim ava diva invataṁ jīradānū ||  
 7.064.03a mitras tan no varuṇo devo aryaḥ pra sādhiṣṭhebhīḥ pathibhir nayantu |  
 7.064.03c bravād yathā na ād ariḥ sudāsa iṣā madema saha devagopāḥ ||  
 7.064.04a yo vām gartaṁ manasā takṣad etam ūrdhvām dhītim kṛṇavad dhārayac ca |  
 7.064.04c ukṣethām mitravaruṇā ghṛtena tā rājānā suksītis tarpayethām ||  
 7.064.05a eṣa stomo varuṇa mitra tubhyaṁ somaḥ śukro na vāyave yāmi |  
 7.064.05c aviṣṭam dhiyō jigṛtam purandhir yūyam pāta svastibhiḥ sadā naḥ ||

7.065.01a prati vām sūra udite sūktair mitraṁ huve varuṇam pūtaḍakṣam |  
 7.065.01c yayor asuryaḥ akṣitam jyeṣṭham viśvasya yāmann ācitā jigatnu ||  
 7.065.02a tā hi devānām asurā tāv arya tā naḥ kṣitīḥ karatam ūrjayantiḥ |  
 7.065.02c aśyāmā mitravaruṇā vyaṁ vām dyāvā ca yatra pīpayann ahā ca ||

7.065.03a tā bhūripāśāv anṛtasya setū duratyētū ripave martyāya |  
 7.065.03c ṛtasya mitrāvaruṇā pathā vām apo na nāvā duritā tarema ||  
 7.065.04a ā no mitrāvaruṇā havyajūṣṭim ghṛtair gavyūtim ukṣatam ilābhiḥ |  
 7.065.04c prati vām atra varam ā janāya pṛṇitam udno divyasya cāroḥ ||  
 7.065.05a eṣa stomo varuṇa mitra tubhyaṁ somaḥ śukro na vāyave 'yāmi |  
 7.065.05c aviṣtam dhiyo jigṛtam purandhīr yūyam pāta svastibhiḥ sadā naḥ ||

7.066.01a pra mitrayor varuṇayo stomo na etu śūṣyaḥ |  
 7.066.01c namāsvān tuvijātayoḥ ||  
 7.066.02a yā dhārayanta devāḥ sudakṣā dakṣapitarā |  
 7.066.02c asuryāya pramaḥasā ||  
 7.066.03a tā na stipā tanūpā varuṇa jaritṛṇām |  
 7.066.03c mitra sādhayatam dhiyaḥ ||  
 7.066.04a yad adya sūra udite 'nāgā mitro ariyamā |  
 7.066.04c suvāti savitā bhagaḥ ||  
 7.066.05a supṛāvīr astu sa kṣayaḥ pra nu yāman sudānavaḥ |  
 7.066.05c ye no amho 'tipirati ||  
 7.066.06a uta svarājo aditir adabdhasya vratasya ye |  
 7.066.06c maḥo rājāna īsate ||  
 7.066.07a prati vām sūra udite mitram grṇiṣe varuṇam |  
 7.066.07c ariyamaṇam riśādasam ||  
 7.066.08a rāyā hiraṇyayā matir iyam avrkāya śavase |  
 7.066.08c iyaṁ viprā medhasātaye ||  
 7.066.09a te syāma deva varuṇa te mitra sūribhiḥ saha |  
 7.066.09c iṣam svaś ca dhīmahi ||  
 7.066.10a bahavaḥ sūracakṣaso 'gnijihvā ṛtāvṛdhaḥ |  
 7.066.10c trīṇi ye yemur vidathāni dhītibhir viśvāni paribhūtibhiḥ ||  
 7.066.11a vi ye dadhuḥ śaradam māsam ād ahar yajñam aktum cād ṛcam |  
 7.066.11c anāpyam varuṇo mitro ariyamā kṣatram rājāna āsata ||  
 7.066.12a tad vo adya manāmahe sūktaiḥ sūra udite |  
 7.066.12c yad ohate varuṇo mitro ariyamā yūyam ṛtasya rathyaḥ ||  
 7.066.13a ṛtāvāna ṛtajātā ṛtāvṛdho ghorāso anṛtadvīṣaḥ |  
 7.066.13c teṣām vaḥ sumne succhardīṣṭame naraḥ syāma ye ca sūrayaḥ ||  
 7.066.14a ud u tyad darśatam vapur diva eti pratihvare |  
 7.066.14c yad im āsur vahati deva etaśo viśvasmai cakṣase aram ||  
 7.066.15a śīrṣṇaḥ-śīrṣṇo jagatas tasthuṣas patim samayā viśvam ā rajaḥ |  
 7.066.15c sapta svasāraḥ suvitāya sūryam vahanti harito rathe ||  
 7.066.16a tac cakṣur devahitam śukram uccarat |  
 7.066.16b paśyema śaradaḥ śatam jivema śaradaḥ śatam ||  
 7.066.17a kāvyebhir adābhyā yātam varuṇa dyumat |  
 7.066.17c mitraś ca somapitaye ||

7.066.18a dīvo dhāmābhir varuṇa mītraś cā yātam adruhā |

7.066.18c pibataṃ somam ātūjī ||

7.066.19a ā yātam mitrāvaruṇā juṣāṇāv āhutiṃ narā |

7.066.19c pātāṃ somam ṛtāvṛdhā ||

7.067.01a prati vām rathāṃ nṛpati jaradhyai haṣmatā manasā yajñiyena |

7.067.01c yo vām dūto na dhiṣṇyāv ajiḅar acchā sūnur na pītarā vivakmi ||

7.067.02a aśocy agniḅ samidhāno asme upo adṛśran tamasaś cid antāḅ |

7.067.02c aceti ketur uśasaḅ purastāc chriye dīvo duhitur jāyamānaḅ ||

7.067.03a abhi vām nūnam aśvinā suhotā stomaiḅ siṣakti nāsatyā vivakvān |

7.067.03c pūrvibhir yātam pathyābhir arvāk svarvidā vasumatā rathena ||

7.067.04a avor vām nūnam aśvinā yuvākur huve yad vām sute mādhvī vasūyuh |

7.067.04c ā vām vahantu sthavirāso aśvāḅ pibātho asme suśutā madhūni ||

7.067.05a prācīm u devāśvinā dhiyam me 'mṛdhrām sātaye kṛtaṃ vasūyum |

7.067.05c viśvā aviṣtaṃ vāja ā purandhīs tā naḅ śaktaṃ śacīpati śacībhiḅ ||

7.067.06a aviṣtaṃ dhīśv aśvinā na āsu prajāvad reto ahrayam no astu |

7.067.06c ā vām toke tanaye tūtujānaḅ suratnāso devavītiṃ gamema ||

7.067.07a eṣa sya vām pūrvaḅatveva sakhye nidhir hito mādhvī rāto asme |

7.067.07c aheḅatā manasā yātam arvāḅ aśnantā havyam mānuṣīṣu vikṣu ||

7.067.08a ekasmin yogē bhuraṇā samāne pari vām sapta sraḅato ratho gāt |

7.067.08c na vāyanti subhvo devayuktā ye vām dhūrṣu tarāyayo vahanti ||

7.067.09a asaścatā maghavadbhyo hi bhūtāṃ ye rāyā maghadeyāṃ junanti |

7.067.09c pra ye bandhum sūnṛtābhis tirante gavyā pṛncanto aśvyā maghāni ||

7.067.10a nū me havam ā śṛnutāṃ yuvānā yāsiṣtaṃ vartir aśvināv irāvat |

7.067.10c dhattaṃ ratnāni jarataṃ ca sūrīn yūyam pāta svastibhiḅ sadā naḅ ||

7.068.01a ā śubhrā yātam aśvinā svaśvā giro dasrā jujuṣāṇā yuvākoḅ |

7.068.01c havyanī ca pratibhṛtā vītaṃ naḅ ||

7.068.02a pra vām andhāmsi madyāny asthur arāṃ gantaṃ haḅiṣo vītaye me |

7.068.02c tiro aryo havanāni śrutāṃ naḅ ||

7.068.03a pra vām ratho manojavā iyarti tiro rajāmsy aśvinā śatotiḅ |

7.068.03c asmabhyāṃ sūryāvasū iyānaḅ ||

7.068.04a ayam ha yad vām devayā u adriṛ ūrdhvo vivakti somasud yuvabhyām |

7.068.04c ā valgū vipro vavṛtita havyaiḅ ||

7.068.05a citraṃ ha yad vām bhojanaṃ nv asti ny atraye mahiṣvantaṃ yuyotam |

7.068.05c yo vām omānaṃ dadhate priyaḅ san ||

7.068.06a uta tyad vām jurate aśvinā bhūc cyavānāya pratīyam havirde |

7.068.06c adhi yad varpa itaūti dhatthaḅ ||

7.068.07a uta tyam bhujyum aśvinā sakhāyo madhye jahur durevāsaḅ samudre |

7.068.07c nir im parṣad arāvā yo yuvākuḅ ||

7.068.08a vṛkāya cij jasamānāya śaktam uta śrutāṃ śayave hūyamānā |

7.068.08c yāv aghnyām apinvatam apo na staryām cic chakty āsvinā śacībhiḥ ||  
7.068.09a eṣa sya kānur jarate sūktair agre budhāna uśasām sumanmā |  
7.068.09c iṣā tam vārdhad aghnyā payobhir yūyam pāta svastibhiḥ sadā naḥ ||

7.069.01a ā vām ratho rodasī badbadhāno hiraṇyayo vṛṣabhir yātv āsvaiḥ |  
7.069.01c ghṛtavartaniḥ pavibhi rucāna iṣām volhā nṛpatir vājinivān ||  
7.069.02a sa paprathāno abhi pañca bhūmā trivandhuro manasā yātu yuktaḥ |  
7.069.02c viśo yena gacchatho devayantiḥ kutrā cid yāmam āsvinā dadhānā ||  
7.069.03a svaśvā yaśasā yātam arvāg dasrā nidhim madhūmantam pibāthaḥ |  
7.069.03c vi vām ratho vadhvā yādāmāno 'ntān divo bādgate vartanibhyām ||  
7.069.04a yuvoh śriyam pari yośavrṇita sūro duhitā paritakmyāyām |  
7.069.04c yad devayantam avathaḥ śacībhiḥ pari ghraṃsam omanā vām vayo gāt ||  
7.069.05a yo ha sya vām rathirā vasta usrā ratho yujānaḥ pariyāti vartiḥ |  
7.069.05c tena naḥ śam yor uśaso vyuṣtau ny āsvinā vahataḥ yajñe asmin ||  
7.069.06a narā gaurevā vidyutam trṣṇānāsmākam adya savanopā yātam |  
7.069.06c purutrā hi vām matibhir havante mā vām anye ni yaman devayantaḥ ||  
7.069.07a yuvam bhujyum avaviddham samudra ud ūhathur arṇaso asridhānaiḥ |  
7.069.07c patatribhir āramair avyathibhir daṃsanābhir āsvinā pārayantā ||  
7.069.08a nū me havam ā śṛnutam yuvānā yāsiṣtam vartir āsvināv irāvat |  
7.069.08c dhattam ratnāni jaratam ca sūrīn yūyam pāta svastibhiḥ sadā naḥ ||

7.070.01a ā viśvavārāsvinā gataḥ naḥ pra tat sthānam avāci vām pṛthivyām |  
7.070.01c āsvō na vāji śunaprṣtho asthād ā yat sedathur dhruvase na yonim ||  
7.070.02a siṣakti sā vām sumatiś canīṣthātāpi gharmo manuṣo durone |  
7.070.02c yo vām samudrān saritaḥ piparty etagvā cin na suyujā yujānaḥ ||  
7.070.03a yāni sthānāny āsvinā dadhāthe divo yahviṣv ośadhīṣu vikṣu |  
7.070.03c ni parvatasya mūrdhani sadanteṣam janāya dāśuṣe vahantā ||  
7.070.04a canīṣtam devā ośadhīṣv apsu yad yogyā āsnavaithe ṛṣiṇām |  
7.070.04c purūni ratnā dadhatau ny aṣme anu pūrvāni cakhyathur yugāni ||  
7.070.05a śuśruvāmsā cid āsvinā purūny abhi brahmāni cakṣāthe ṛṣiṇām |  
7.070.05c prati pra yātam varam ā janāyāsmē vām astu sumatiś canīṣthā ||  
7.070.06a yo vām yajño nāsatyā haṣmān kṛtabrahmā samaryoḥ bhavāti |  
7.070.06c upa pra yātam varam ā vasiṣtham imā brahmāny ṛcyante yuvabhyām ||  
7.070.07a iyam manīṣā iyam āsvinā gir imām suvrktim vṛṣaṇā juṣethām |  
7.070.07c imā brahmāni yuvayūny agman yūyam pāta svastibhiḥ sadā naḥ ||

7.071.01a apa svasur uśaso nag jihite riṇakti kṛṣṇīr aruṣāya panthām |  
7.071.01c āsvāmaghā gomaghā vām huvema divā naktam śarum āsmad yuyotam ||  
7.071.02a upāyātam dāśuṣe martyāya rathena vāmam āsvinā vahantā |  
7.071.02c yuyutam āsmad anīrām amivām divā naktam mādhvī trāsīthām naḥ ||  
7.071.03a ā vām ratham avamasyām vyuṣtau sumnāyavo vṛṣaṇo vartayantu |

7.071.03c syūmāgabhastim ṛtayugbhir aśvair āśvinā vasumantaṁ vahethām ||  
 7.071.04a yo vām ratho nṛpatī asti volhā trivandhuro vasumāṁ usrayāmā |  
 7.071.04c ā nā enā nāsatyopā yātam abhi yad vām viśvapsnyo jigāti ||  
 7.071.05a yuvaṁ cyavānaṁ jaraso 'mumuktaṁ ni pedava ūhathur āsum aśvam |  
 7.071.05c nir amhasas tamasa spartam atrim ni jāhuṣaṁ śithire dhātam antaḥ ||  
 7.071.06a iyam māniṣā iyam āśvinā gīr imām suvrkṭim vṛṣaṇā juṣethām |  
 7.071.06c imā brahmāṇi yuvayūny agman yūyam pāta svastibhiḥ sadā naḥ ||

7.072.01a ā gomatā nāsatyā rathenāśvāvātā puruścandreṇa yātam |  
 7.072.01c abhi vām viśvā niyutaḥ sacante spārhayā śriyā tanvā śubhānā ||  
 7.072.02a ā no devebhir upa yātam arvāk sajoṣasā nāsatyā rathena |  
 7.072.02c yuvor hi naḥ sakhyā pitryāni samāno bandhur uta tasya vittam ||  
 7.072.03a ud u stomāso āśvinor abudhrañ jāmi brahmāṇy uṣasaś ca devīḥ |  
 7.072.03c āvivāsan rodasī dhiṣnyeme acchā vipro nāsatyā vivakti ||  
 7.072.04a vi ced ucchanty āśvinā uṣasaḥ pra vām brahmāṇi kāravo bharante |  
 7.072.04c ūrdhvaṁ bhānum savitā devo āsred bṛhad agnayaḥ samidhā jarante ||  
 7.072.05a ā paścātān nāsatyā purastād āśvinā yātam adharād udaktāt |  
 7.072.05c ā viśvataḥ pāñcājanya rāyā yūyam pāta svastibhiḥ sadā naḥ ||

7.073.01a atāriṣma tamāsaṣ pāram aśya prati stomāṁ devayanto dadhānāḥ |  
 7.073.01c purudaṁsā puruṭamā purājāmartyā havate āśvinā gīḥ ||  
 7.073.02a ny u priyo manuṣaḥ sādī hotā nāsatyā yo yajate vandate ca |  
 7.073.02c aśnītam madhvo āśvinā upāka ā vām voce vidatheṣu prayāsvān ||  
 7.073.03a ahema yajñam pathām urāṇā imām suvrkṭim vṛṣaṇā juṣethām |  
 7.073.03c śruṣṭiveva preṣito vām abodhi prati stomair jaramāno vasiṣṭhaḥ ||  
 7.073.04a upa tyā vahni gamato viśam no rakṣohaṇā sambhṛtā vilupāṇi |  
 7.073.04c sam andhāmsy agmata matsarāṇi mā no mardhiṣtam ā gataṁ śivenā ||  
 7.073.05a ā paścātān nāsatyā purastād āśvinā yātam adharād udaktāt |  
 7.073.05c ā viśvataḥ pāñcājanya rāyā yūyam pāta svastibhiḥ sadā naḥ ||

7.074.01a imā u vām diviṣṭaya usrā havante āśvinā |  
 7.074.01c ayaṁ vām ahve 'vase śacivasū viśam-viśam hi gacchathaḥ ||  
 7.074.02a yuvaṁ citraṁ dadathur bhojanaṁ narā codethām sūnṛtāvate |  
 7.074.02c arvāg ratham samanāsa ni yacchatam pibatam somyam madhu ||  
 7.074.03a ā yātam upa bhūṣatam madhvaḥ pibatam āśvinā |  
 7.074.03c dugdham payo vṛṣaṇā jenyāvasū mā no mardhiṣtam ā gataṁ ||  
 7.074.04a aśvāso ye vām upa dāśuṣo grham yuvām diyantī bibhrataḥ |  
 7.074.04c makṣūyubhir narā hayebhir āśvinā devā yātam asmayū ||  
 7.074.05a adhā ha yanto āśvinā pṛkṣaḥ sacanta sūrayaḥ |  
 7.074.05c tā yaṁsato maḡhavadbhyo dhruvaṁ yaśaś chardir asmabhyam nāsatyā ||  
 7.074.06a pra ye yayur avrkāso rathā iva nṛpātāro janānām |

7.074.06c uta svena śavasā sūśuvur narā uta kṣiyanti sukṣitim ||

7.075.01a vy uṣā āvo divijā rtenāviṣkrvānā mahimānam āgāt |

7.075.01c apa druhas tama āvar ajuṣtam aṅgirastamā pathyā ajigaḥ ||

7.075.02a mahe no adya suvitāya bodhy uṣo mahe saubhagāya pra yandhi |

7.075.02c citram rayim yaśasam dhehy asme devī marteṣu mānuṣi śravasyum ||

7.075.03a ete tye bhānavo darśatāyās citrā uṣaso amṛtāsa āguḥ |

7.075.03c janayanto daivyāni vratāny aprnanto antarikṣā vy asthuh ||

7.075.04a eṣā syā yujānā parākāt pañca kṣitih pari sadyo jigāti |

7.075.04c abhipāsyanti vayunā janānam divo duhitā bhuvanasya patnī ||

7.075.05a vājinivatī sūryasya yoṣā citrāmaghā rāya īse vasunām |

7.075.05c ṛṣiṣṭutā jarayanti maghony uṣā ucchati vahnibhir grnānā ||

7.075.06a prati dyutānām aruṣaso aśvās citrā adṛśrann uṣasam vahantaḥ |

7.075.06c yāti śubhrā viśvapīṣā rathena dadhāti ratnam vidhate janāya ||

7.075.07a satyā satyebhir maḥati mahadbhir devī devebhir yajatā yajatraih |

7.075.07c rujad dr̥lhāni dadad usriyānām prati gāva uṣasam vāvaśanta ||

7.075.08a nū no gomad vīravat dhehi ratnam uṣo aśvāvat purubhojo asme |

7.075.08c mā no barhiḥ puruṣatā nide kar yūyam pāta svastibhiḥ sadā naḥ ||

7.076.01a ud u jyotir amṛtam viśvajanyaṁ viśvānaraḥ savitā devo aśret |

7.076.01c kratvā devānām ajaniṣṭa cakṣur āvir akar bhuvanāṁ viśvam uṣāḥ ||

7.076.02a pra me panthā devayānā adṛśrann amardhanto vasubhir iṣkṛtāsaḥ |

7.076.02c abhūd u ketur uṣasaḥ purastāt pratīcy āgād adhi harṁmyebhyaḥ ||

7.076.03a tānīd ahāni bahulāny āsan yā prācīnam uditā sūryasya |

7.076.03c yataḥ pari jāra ivācaranty uṣo dadṛkṣe na punar yatīva ||

7.076.04a ta id devānām sadhamāda āsann ṛtāvānaḥ kavayaḥ pūrvyāsaḥ |

7.076.04c gūlham jyotiḥ pitaro anv avindan satyamantrā ajanayann uṣāsam ||

7.076.05a samāna ūrve adhi saṅgatāsaḥ sam jānate na yatante mithas te |

7.076.05c te devānām na minanti vratāny amardhanto vasubhir yādāmānāḥ ||

7.076.06a prati tvā stomair ilate vasiṣṭhā uṣarbudhaḥ subhage tuṣṭuvāmsaḥ |

7.076.06c gavām netrī vājapatnī na ucchoṣaḥ sujāte prathamā jarasva ||

7.076.07a eṣā netrī rādhasaḥ sūnṛtānām uṣā ucchantī ribhyate vasiṣṭhaiḥ |

7.076.07c dīrghaśrutam rayim asme dadhānā yūyam pāta svastibhiḥ sadā naḥ ||

7.077.01a upo ruruce yuvatir na yoṣā viśvam jīvam prāsuvantī carāyai |

7.077.01c abhūd agniḥ samidhe mānuṣānām akar jyotir bādhamānā tamāmsi ||

7.077.02a viśvam pratīcī saprathā ud asthād ruśad vāso bibhratī śukram aśvait |

7.077.02c hiraṇyavarṇā sudṛśikasandṛg gavām mātā netry ahnām aroci ||

7.077.03a devānām cakṣuḥ subhagā vahantī śvetam nayantī sudṛśikam aśvam |

7.077.03c uṣā adarśī raśmibhir vyaktā citrāmaghā viśvam anu prabhūtā ||

7.077.04a antivāmā dūre amitram ucchorvīm gavyūtīm abhayaṁ kṛdhī naḥ |



7.077.04c yāvaya dveṣa ā bharā vasūni codaya rādhō gr̥ṇate māghoni ||  
 7.077.05a asme śreṣṭhebhīr bhānubhīr vi bhāhy uṣō devi pratirantī na āyuh |  
 7.077.05c iṣam ca no dadhatī viśvavāre gomād aśvāvād rathavac ca rādhaḥ ||  
 7.077.06a yām tvā divo duhitar vardhayanty uṣaḥ sujāte matibhīr vasiṣṭhāḥ |  
 7.077.06c sāsmāsu dhā rayim r̥ṣvam br̥hantām yūyam pāta svastibhīḥ sadā naḥ ||

7.078.01a prati ketavaḥ prathamā adṛśrann ūrdhvā asyā añjayo vi śrayante |  
 7.078.01c uṣō arvācā br̥hatā rathena jyotiṣmatā vāmam asmabhyaṁ vakṣi ||  
 7.078.02a prati śīm agnir jarate samiddhaḥ prati viprāso matibhīr gr̥ṇantaḥ |  
 7.078.02c uṣā yāti jyotiṣā bādhamānā viśvā tamāmsi duritāpa devī ||  
 7.078.03a etā u tyāḥ praty adṛśran purastāj jyotir yacchantīr uṣaso vibhātīḥ |  
 7.078.03c ajijanan sūryam yajñam agnim apācinam tamō agād ajuṣṭam ||  
 7.078.04a acetī divo duhitā maghoni viśve paśyanty uṣasam vibhātīm |  
 7.078.04c āsthād ratham svadhayā yujyamānam ā yam aśvāsaḥ suyujō vahanti ||  
 7.078.05a prati tvādya sumanaso budhantāsmākāso maghavāno vayanm ca |  
 7.078.05c tilvilāyadhvam uṣaso vibhātīr yūyam pāta svastibhīḥ sadā naḥ ||

7.079.01a vy u1ṣā āvaḥ pathyā3 janānām pañca kṣitīr mānuṣīr bodhayanti |  
 7.079.01c susandṛgbhīr ukṣabhīr bhānum aśred vi sūryo rodasī cakṣasāvaḥ ||  
 7.079.02a vy añjate divo antev aṅtūn viśo na yuktā uṣaso yatante |  
 7.079.02c sam te gāvas tama ā vartayanti jyotir yacchanti saviteva bāhū ||  
 7.079.03a abhūd uṣā indratamā maghony ajijanat suvitāya śravāmsi |  
 7.079.03c vi divo devī duhitā dadhāty aṅgirastamā sukrte vasūni ||  
 7.079.04a tāvad uṣō rādhō asmabhyaṁ rāsva yāvat stotr̥bhyo arado gr̥ṇānā |  
 7.079.04c yām tvā jajñur vṛṣabhasyā ravena vi dr̥lhasya duro adrer aurnoḥ ||  
 7.079.05a devam-devam rādhasē codayanty asmadryak sūnrtā irayanti |  
 7.079.05c vyucchantī naḥ sanaye dhiyō dhā yūyam pāta svastibhīḥ sadā naḥ ||

7.080.01a prati stomebhīr uṣasam vasiṣṭhā gīrbhīr viprāsaḥ prathamā abudhran |  
 7.080.01c vivartayantīm rajasī samante aṁviṣkr̥ṇvatīm bhuvanāni viśvā ||  
 7.080.02a eṣā syā navyam āyur dadhānā gūdhvī tamō jyotiṣoṣā abodhi |  
 7.080.02c agrā eti yuvatīr ahrayānā prācikitat sūryam yajñam agnim ||  
 7.080.03a aśvāvatīr gomatīr na uṣāso vīravatīḥ sadam ucchantu bhadrāḥ |  
 7.080.03c ghṛtam duhānā viśvataḥ prapitā yūyam pāta svastibhīḥ sadā naḥ ||

7.081.01a praty u adarśy āyaty u1cchantī duhitā divaḥ |  
 7.081.01c apo mahī vyayati cakṣase tamō jyotiṣ kr̥noti sūnari ||  
 7.081.02a ud usriyāḥ sṛjate sūryaḥ sacām udyan nakṣatram arcivat |  
 7.081.02c taved uṣō vyuṣi sūryasya ca sam bhaktena gamemahi ||  
 7.081.03a prati tvā duhitar diva uṣō jīrā abhutsmahi |  
 7.081.03c yā vahasi puru spārham vananvati ratnam na dāsuse mayah ||

- 7.081.04a ucchantī yā kr̥ṣṇoṣī māṁhanā mahi prakhyai devī svar dr̥śe |  
7.081.04c tasyās te ratnabhāja īmahe vayan̄ syāma mātur na sūnavah̄ ||  
7.081.05a tac cītram rādha ā bharoṣo yad dirghaśruttamam |  
7.081.05c yat te divo duhitar martabhojanam̄ tad rāsva bhunajāmahai ||  
7.081.06a śravaḥ sūribhyo amṛtam̄ vasutvanam̄ vājām̄ asmabhyam̄ gomataḥ |  
7.081.06c codayitri maghonah̄ sūnrtāvaty uṣā ucchad̄ apa sridhaḥ ||
- 7.082.01a indrāvaruṇā yuvam̄ adhvarāya no viśe janāya mahi śarma yacchatam |  
7.082.01c dirghaprayajyum̄ ati yo vanuṣyati vayan̄ jayema pṛtanāsu dūḍhyaḥ ||  
7.082.02a samrāl̄ anyah̄ svarāl̄ anya ucyate vām mahāntāv indrāvaruṇā mahāvasū |  
7.082.02c viśve devāsaḥ parame vyomanī sam̄ vām ojo vṛṣaṇā sam̄ balam̄ dadhuḥ ||  
7.082.03a anv apām̄ khāny atrntam̄ ojasā sūryam̄ airayataḥ divi prabhum |  
7.082.03c indrāvaruṇā made asya māyino p̄invatam̄ apitaḥ p̄invatam̄ dhiyah̄ ||  
7.082.04a yuvām̄ id yutsu pṛtanāsu vahnayo yuvām̄ kṣemāsyā prasave mitajñavaḥ |  
7.082.04c īśānā vasva ubhayasya kārava indrāvaruṇā suhava havāmahe ||  
7.082.05a indrāvaruṇā yad imāni cakrathur̄ viśvā jātāni bhuvanasya majmanā |  
7.082.05c kṣemeṇa mitro varuṇam̄ duvasyati marudbhīr̄ ugraḥ śubham̄ anya iyate ||  
7.082.06a mahe śulkāya varuṇasya nu tviṣa ojo mimāte dhruvam̄ asya yat svam |  
7.082.06c ajāmim̄ anyah̄ śnathayantam̄ ātirad̄ dābhrebhir̄ anyah̄ pra vṛnoti bhūyasaḥ ||  
7.082.07a na tam̄ amho na duritāni martyam̄ indrāvaruṇā na tapaḥ kutaś̄ cana |  
7.082.07c yasya devā gacchatho vītho adhvaram̄ na tam̄ martasya naśate parihvṛtiḥ ||  
7.082.08a arvān̄ narā daivyenāvasā gatam̄ śṛṇutam̄ havam̄ yadi me jujoṣathaḥ |  
7.082.08c yuvor hi sakhyam̄ uta vā yad āpyam̄ mārḍīkam̄ indrāvaruṇā ni yacchatam ||  
7.082.09a asmākam̄ indrāvaruṇā bhare-bhare puroyodhā bhavataḥ kṛṣṭyojasā |  
7.082.09c yad vām̄ havanta ubhaye adha spr̄dhi naras̄ tokasya tanayasya sātīṣu ||  
7.082.10a asme indro varuṇo mitro aryamā dyumnam̄ yacchantu mahi śarma saprathaḥ |  
7.082.10c avadhram̄ jyotir̄ aditer̄ ṛtāvṛdhō devasya ślokam̄ savitur̄ manāmahe ||
- 7.083.01a yuvām̄ narā paśyamānāsa āpyam̄ prācā gavyantaḥ pṛthuparsāvo yayuḥ |  
7.083.01c dāsā ca vṛtrā hatam̄ āryāni ca sudāsam̄ indrāvaruṇāvasāvataḥ ||  
7.083.02a yatrā naraḥ samayante kṛtadhvaḥ yasmīn̄ ājā bhavati kim̄ cana priyam |  
7.083.02c yatrā bhayante bhuvanā svardr̄śas̄ tatrā na indrāvaruṇādhi vocatam ||  
7.083.03a sam bhūmyā antā dhvasirā adṛksatendrāvaruṇā divi ghoṣa āruhat |  
7.083.03c asthur̄ janānām̄ upa mām̄ arātayo rvāḡ avasā havanaśrutā gatam ||  
7.083.04a indrāvaruṇā vadhanābhīr̄ aprati bhedam̄ vanvantā pra sudāsam̄ āvatam |  
7.083.04c brahmānȳ eṣām̄ śṛṇutam̄ havīmani satyā tr̄tsūnām̄ abhavat̄ purohitīḥ ||  
7.083.05a indrāvaruṇāv̄ abhy ā tapanti māghānȳ aryo vanuṣam̄ arātayaḥ |  
7.083.05c yuvām̄ hi vasva ubhayasya rājatho dha smā no vatam̄ pārye divi ||  
7.083.06a yuvām̄ havanta ubhayaśa ājiṣv̄ indram̄ ca vasvo varuṇam̄ ca sātaye |  
7.083.06c yatra rājābhīr̄ daśābhīr̄ nibādhitam̄ pra sudāsam̄ āvatam̄ tr̄tsubhiḥ saha ||  
7.083.07a daśa rājānaḥ samitā ayajyavaḥ sudāsam̄ indrāvaruṇā na yuyudhuḥ |

7.083.07c satyā nr̥ṇām admasadām upastutir devā eṣām abhavan devahūtiṣu ||  
 7.083.08a dāśarājñe pariyaṭtāya viśvataḥ sudāsa indrāvaruṇāv aśikṣatam |  
 7.083.08c śvityaṅco yatra namasā kapardino dhiyā dhivanto asapanta trtsavaḥ ||  
 7.083.09a vṛtrāṅy anyañ samitheṣu jighnate vratāny anyo abhi rakṣate sadā |  
 7.083.09c havāmahe vām vṛṣaṇā suvr̥ktibhir asme indrāvaruṇā śarma yacchatam ||  
 7.083.10a asme indro varuṇo miṭro aṛyamā dyumnaṁ yacchantu mahi śarmā saprathāḥ |  
 7.083.10c avadhram jyotir aditer ṛtāvṛdho devasya ślokaṁ savitur manāmahe ||

7.084.01a ā vām rājānāv adhvare vāvṛtyām havyebhir indrāvaruṇā namobhiḥ |  
 7.084.01c pra vām ghṛtāci bāhvor dadhānā pari tmanā viśurūpā jigāti ||  
 7.084.02a yuvo rāṣtram bṛhad invati dyaur yau setṛbhir arajjubhiḥ sinīthaḥ |  
 7.084.02c pari no helo varuṇasya vṛjyā urum na indraḥ kṛṇavad u lokam ||  
 7.084.03a kṛtam no yajñam vidatheṣu cārum kṛtam brahmāṇi sūriṣu praśastā |  
 7.084.03c upo rayir devajūto na etu pra ṇa spārhabhir ūtibhis tīretam ||  
 7.084.04a asme indrāvaruṇā viśvavāram rayim dhattam vasumantam purukṣum |  
 7.084.04c pra ya ādityo anṛtā mināty amitā sūro dayate vasūni ||  
 7.084.05a iyam indram varuṇam aṣṭa me giḥ prāvāt toke tanaye tūtujānā |  
 7.084.05c suratnāso devavitiṁ gamema yūyam pāta svastibhiḥ sadā naḥ ||

7.085.01a puniṣe vām arakṣasam manīṣām somam indrāya varuṇāya juhvat |  
 7.085.01c ghṛtapratikām uṣasam na devīm tā no yāmann uruṣyatām abhike ||  
 7.085.02a spardhante vā u devahūye atra yeṣu dhvajeṣu didyavaḥ patanti |  
 7.085.02c yuṣam tāṁ indrāvaruṇāv amitrān haṭam parācaḥ śarvā viśūcaḥ ||  
 7.085.03a āpaś cid dhi svayaśasaḥ sadassu devīr indram varuṇam devatā dhuḥ |  
 7.085.03c kṛṣṭir anyo dhārayati praviktā vṛtrāṅy anyo apratini hanti ||  
 7.085.04a sa sukatur ṛtācid astu hotā ya āditya śavasā vām namasvān |  
 7.085.04c āvavartad avase vām haviṣmān asad it sa sūvitāya prayasvān ||  
 7.085.05a iyam indram varuṇam aṣṭa me giḥ prāvāt toke tanaye tūtujānā |  
 7.085.05c suratnāso devavitiṁ gamema yūyam pāta svastibhiḥ sadā naḥ ||

7.086.01a dhīrā tv aśya mahinā janūmṣi vi yas tastambha rodasi cid urvī |  
 7.086.01c pra nākam ṛṣvam nunude bṛhantam dvitā nakṣatram paprathac ca bhūmā ||  
 7.086.02a uta svayā tanvā3 sam vade tat kadā nv a1ntar varuṇe bhuvāni |  
 7.086.02c kim me havyam ahr̥nāno juṣeta kadā mṛlīkam sumanā abhi khyam ||  
 7.086.03a pṛcche tad eno varuṇa didṛkṣūpo emi cikitūso vipṛccham |  
 7.086.03c samānam in me kavayaś cid āhur ayaṁ ha tubhyaṁ varuṇo hr̥ṇite ||  
 7.086.04a kim āga āsa varuṇa jyeṣṭham yat stotāram jighāmsasi sakhāyam |  
 7.086.04c pra tan me voco dūlabha svadhāvo 'va tvānenā namasā tura iyām ||  
 7.086.05a avā drugdhāni pitryā sṛjā no 'va yā vyaṁ cakṛmā tanūbhiḥ |  
 7.086.05c avā rājan paṣutṛpaṁ na tāyūm sṛjā vatsam na dāmno vasiṣṭham ||  
 7.086.06a na sa svo dakṣo varuṇa dhruṭiḥ sā surā manyur vibhīdako acittiḥ |

7.086.06c asti jyāyān kanīyasa upāre svapnāś caned anṛtasya prayotā ||  
 7.086.07a aram̄ dāso na mīlhuṣe karāny aham̄ devāya bhūrṇaye 'nāgāḥ |  
 7.086.07c acetayad acito devo aryo gr̄tsam̄ rāye kavitaro junāti ||  
 7.086.08a ayam̄ su tubhyam̄ varuṇa svadhāvo hṛdi stoma upāśritaś cid astu |  
 7.086.08c śam̄ naḥ kṣeme śam̄ u yogē no astu yūyam̄ pāta svastibhiḥ sadā naḥ ||

7.087.01a radat̄ patho varuṇaḥ sūryāya prārṇāmsi samudriyā nadinām̄ |  
 7.087.01c sargo na sṛṣṭo arvatir̄ r̄tāyañ cakāra mahīr̄ avanīr̄ ahabhyaḥ ||  
 7.087.02a ātmā te vāto raja ā navīnot paśur na bhūrṇir̄ yavase sasavān̄ |  
 7.087.02c antar mahī br̄hatī rodāsime viśvā te dhāmā varuṇa priyāni ||  
 7.087.03a pari spaśo varuṇasya smadiṣṭā ubhe paśyanti rodasī sumeke |  
 7.087.03c r̄tāvānaḥ kavayo yajñadhīrāḥ pracetaso ya iṣayanta manma ||  
 7.087.04a uvāca me varuṇo medhīrāya triḥ sapta nāmāghnyā bibharti |  
 7.087.04c vidvān padasya guhyā na vocad yugāya vipra uparāya śikṣan̄ ||  
 7.087.05a tisro dyāvo nihitā antar asmin̄ tisro bhūmīr̄ uparāḥ ṣadvidhānāḥ |  
 7.087.05c gr̄tso rājā varuṇaś cakra etaṁ divi preṅkham̄ hiraṇyayam̄ śubhe kam̄ ||  
 7.087.06a ava sindhum̄ varuṇo dyaur̄ iva sthād drapso na śveto mṛgas tuviṣmān̄ |  
 7.087.06c gambhīraśam̄so rajaso vimānaḥ supārakṣatraḥ sato asya rājā ||  
 7.087.07a yo mṛlayāti cakruṣe cid āgo vayam̄ syāma varuṇe anāgāḥ |  
 7.087.07c anu vratāny aditer̄ rdhanto yūyam̄ pāta svastibhiḥ sadā naḥ ||

7.088.01a pra śundhyuvam̄ varuṇāya preṣṭhām̄ matim̄ vasiṣṭha mīlhuṣe bharasva |  
 7.088.01c ya im̄ arvāñcam̄ karate yajatraṁ sahasrām̄agham̄ vṛṣaṇam̄ br̄hantam̄ ||  
 7.088.02a adhā nv̄ asya sandṛśam̄ jagānvān̄ agner̄ anīkam̄ varuṇasya māmsi |  
 7.088.02c svaīr̄ yad aśmann̄ adhipā u andho 'bhi mā vapur̄ dr̄śaye ninīyāt ||  
 7.088.03a ā yad ruhāva varuṇaś ca nāvam̄ pra yat samudram̄ irayāva madhyam̄ |  
 7.088.03c adhi yad apām̄ snubhiś carāva pra preṅkha in̄khayāvahai śubhe kam̄ ||  
 7.088.04a vasiṣṭham̄ ha varuṇo nāvya ādhād̄ r̄ṣim̄ cakāra svapā mahōbhiḥ |  
 7.088.04c stotāram̄ vipraḥ sudinat̄ve ahnām̄ yān nu dyāvas̄ tatanan̄ yād̄ uśāsah̄ ||  
 7.088.05a kvaī tyāni nau sakhyā babhūvuḥ sacāvahe yad avṛkam̄ purā cit̄ |  
 7.088.05c br̄hantam̄ mānam̄ varuṇa svadhāvaḥ sahasrādvāram̄ jagamā gr̄ham̄ te ||  
 7.088.06a ya āpir̄ nityo varuṇa priyaḥ san tvām̄ āgāmsi kṛṇavat̄ sakhā te |  
 7.088.06c mā ta enāsvanto yakṣin̄ bhujema yandhi śmā vipra stuvate varūtham̄ ||  
 7.088.07a dhruvāsū tvāsū kṣitiṣū kṣiyanto vy aīsmat̄ pāsam̄ varuṇo mumocat̄ |  
 7.088.07c avo vanvānā aditer̄ upasthād̄ yūyam̄ pāta svastibhiḥ sadā naḥ ||

7.089.01a mo ṣu varuṇa mṛnmayam̄ gr̄ham̄ rājann̄ aham̄ gamam̄ |  
 7.089.01c mṛlā sukṣatra mṛlaya ||  
 7.089.02a yad emi prasphurann̄ iva dr̄tir̄ na dhmāto adriyaḥ |  
 7.089.02c mṛlā sukṣatra mṛlaya ||  
 7.089.03a kratvaḥ samaha dīnatā pratīpaṁ jagamā śuce |

7.089.03c mṛlā sukṣatra mṛlayā ||  
 7.089.04a apām madhye tasthivāmsam tṛṣṇāvidaj jaritāram |  
 7.089.04c mṛlā sukṣatra mṛlayā ||  
 7.089.05a yat kim cedam varuṇa daivye jane 'bhidroham manuṣyāś carāmasi |  
 7.089.05c acittī yat tava dharmā yuyopima mā nas tasmād enaso deva rīriṣaḥ ||

7.090.01a pra vīrayā śucayo dadrire vām adhvaryubhir madhumantaḥ sutāsaḥ |  
 7.090.01c vaha vāyo niyuto yāhy acchā pibā sutasyāndhaso madāya ||  
 7.090.02a īśānāya prahutiṁ yas ta ānaḥ chuciṁ somam śucipās tubhyaṁ vāyo |  
 7.090.02c kṛṇoṣi tam martyeṣu praśastam jāto-jāto jāyate vājy asya ||  
 7.090.03a rāye nu yaṁ jajñatū rodasīme rāye devī dhiṣaṇā dhāti devam |  
 7.090.03c adhā vāyūm niyutaḥ saścata svā uta śvetam vasudhitim nireke ||  
 7.090.04a ucchann uśasaḥ sudinā aripṛā uru jyotir vividur dīdhyānāḥ |  
 7.090.04c gavyam cid ūrvam uśijo vi vavrus teṣām anu praḍivaḥ sasrur āpaḥ ||  
 7.090.05a te satyena manasā dīdhyānāḥ svenā yuktāsaḥ kratunā vahanti |  
 7.090.05c indravāyū vīravāham ratham vām īśānāyor abhi pṛkṣaḥ śacante ||  
 7.090.06a īśānāso ye dadhate svar ṇo gobhir aśvebhir vasubhir hiraṇyair |  
 7.090.06c indravāyū sūrayo viśvam āyur arvadbhir vīrair pṛtanāsu sahyuḥ ||  
 7.090.07a arvanto na śravaṣo bhikṣamāṇā indravāyū suṣṭutibhir vasiṣṭhāḥ |  
 7.090.07c vājayantaḥ sv avase huvema yūyam pāta svastibhiḥ sadā naḥ ||

7.091.01a kuvid aṅga namasā ye vṛdhāsaḥ purā devā anavadyāsa āsan |  
 7.091.01c te vāyave manave bādhitāyāvāsayann uśasam sūryeṇa ||  
 7.091.02a uśantā dūtā na dabhāya gopā māsaś ca pāthaḥ śaradaś ca pūrvīḥ |  
 7.091.02c indravāyū suṣṭutir vām iyānā mārḍīkam iṭṭe suvitam ca navyam ||  
 7.091.03a pīvoannām rayivṛdhaḥ sumedhāḥ śvetaḥ siṣakti niyutām abhiśrīḥ |  
 7.091.03c te vāyave samanaṣo vi tasthur viśven naraḥ svapatyāni cakruḥ ||  
 7.091.04a yāvāt taras tanvo yāvād ojo yāvan naraś cakṣasā dīdhyānāḥ |  
 7.091.04c śuciṁ somam śucipā pātam asme indravāyū sadatam barhir edam ||  
 7.091.05a niyuvānā niyuta spārhavirā indravāyū saratham yātam arvāk |  
 7.091.05c idaṁ hi vām prabhṛtam madhvo agram adhā priṇānā vi mūmuktam asme ||  
 7.091.06a yā vām śatam niyuto yāḥ sahasram indravāyū viśvavarāḥ sacante |  
 7.091.06c ābhir yātam suvidatrābhir arvāk pātam narā pratibhṛtasya madhvaḥ ||  
 7.091.07a arvanto na śravaṣo bhikṣamāṇā indravāyū suṣṭutibhir vasiṣṭhāḥ |  
 7.091.07c vājayantaḥ sv avase huvema yūyam pāta svastibhiḥ sadā naḥ ||

7.092.01a ā vāyo bhūṣa śucipā upa naḥ sahasram te niyuto viśvavāra |  
 7.092.01c upo te andho madyam ayāmi yasya deva dadhiṣe pūrvapeyam ||  
 7.092.02a pra sotā jīro adhvaṛeṣv asthāt somam indrāya vāyave pibadhyai |  
 7.092.02c pra yad vām madhvo agriyam bharanty adhvaryavo devayantaḥ śacibhiḥ ||  
 7.092.03a pra yābhir yāsi dāśvāmsam acchā niyudbhir vāyav iṣṭayē duroṇe |

7.092.03c ni no rayim subhojasam yuvasva ni viraṃ gavyam asvyaṃ ca rādhaḥ ||  
 7.092.04a ye vāyava indramādanāsa ādevāso nitośanāso ayaḥ |  
 7.092.04c ghnanto vṛtrāṇi sūribhiḥ śyāma sāśahvāmsō yudhā nṛbhir amitrān ||  
 7.092.05a ā no niyudbhiḥ śatinibhir adhvaraṃ sahasriṇibhir upa yāhi yajñam |  
 7.092.05c vāyo asmin savāne mādayasva yūyam pāta svastibhiḥ sadā naḥ ||

7.093.01a śuciṃ nu stomaṃ navajātam adyendrāgnī vṛtrahaṇā juṣethām |  
 7.093.01c ubhā hi vām suhava johavīmi tā vājam sadya usate dheṣṭhā ||  
 7.093.02a tā sānasī śavasānā hi bhūtam sākamvṛdhā śavasā śūśuvāmsā |  
 7.093.02c kṣayantau rāyo yavasasya bhūreḥ pṛṅktaṃ vājasya sthavirasya ghrṣveḥ ||  
 7.093.03a upo ha yad vidatham vājino gur dhībhir vipraḥ pramatim icchamānāḥ |  
 7.093.03c arvanto na kāsthām nakṣamānā indrāgnī johuvato naraḥ te ||  
 7.093.04a gīrbhir vipraḥ pramatim icchamāna itte rayim yaśasam pūrvabhājam |  
 7.093.04c indrāgnī vṛtrahaṇā suvajrā pra no navyebhis tiratam deṣṇaiḥ ||  
 7.093.05a sam yan mahī mithatī spardhamāne tanūrucā sūrasātā yataite |  
 7.093.05c adevayum vidathe devayubhiḥ satrā hatam somasutā janena ||  
 7.093.06a imām u śu somasutim upa na endrāgnī saumanasāya yātam |  
 7.093.06c nū cid dhi parimamnāthe asmān ā vām śasvadbhir vavṛtiya vājaiḥ ||  
 7.093.07a so agna enā namasā samiddho cchā mitraṃ varuṇam indram voceḥ |  
 7.093.07c yat sim āgaś cakrmā tat su mṛḷa tad ayaṃmāditih śisrathantu ||  
 7.093.08a etā agna āśuśanāsa iṣṭir yuvoh sacābhy asyāma vājān |  
 7.093.08c mendro no viṣṇur marutaḥ pari khyan yūyam pāta svastibhiḥ sadā naḥ ||

7.094.01a iyaṃ vām aśya manmāna indrāgnī pūrvyastūtiḥ |  
 7.094.01c abhrād vṛṣṭir ivājani ||  
 7.094.02a śṛṇutam jaritur havam indrāgnī vanatam girah |  
 7.094.02c isānā pipyatam dhiyaḥ ||  
 7.094.03a mā pāpatvāya no narendrāgnī mābhisastaye |  
 7.094.03c mā no rīradhatam nide ||  
 7.094.04a indre agnā namo brhat sūvṛktim erayāmahe |  
 7.094.04c dhiyā dhenā avasyavaḥ ||  
 7.094.05a tā hi śasvanta ilata itthā viprāsa utayē |  
 7.094.05c sabādho vājasātaye ||  
 7.094.06a tā vām gīrbhir vipanyavaḥ prayasvanto havāmahe |  
 7.094.06c medhasātā sanīsyavaḥ ||  
 7.094.07a indrāgnī avasā gātam asmabhyam carṣaṇīśahā |  
 7.094.07c mā no duḥśamsa isata ||  
 7.094.08a mā kasya no araruṣo dhūrtih praṇaṇ martyasya |  
 7.094.08c indrāgnī śarma yacchatam ||  
 7.094.09a gomad dhiraṇyavad vasu yad vām asvāvad imahe |  
 7.094.09c indrāgnī tad vanemahi ||

- 7.094.10a yat soma ā sute nara indrāgnī ajohavuh |  
7.094.10c saptivantā saparyavaḥ ||  
7.094.11a ukthebhir vṛtrahantamā yā mandānā cid ā girā |  
7.094.11c āngūṣair āvivāsataḥ ||  
7.094.12a tāv id duḥśamsaṁ martyaṁ durvidvāmsaṁ rakṣasvināṁ |  
7.094.12c ābhogaṁ hanmanā hatam udadhīm hanmanā hatam ||
- 7.095.01a pra kṣodasā dhāyasā sasra eṣā sarasvati dharuṇaṁ āyasī pūḥ |  
7.095.01c prabābadhānā rathyeva yāti viśvā apo mahinā sindhur anyāḥ ||  
7.095.02a ekācetaṭ sarasvati nadīnām śucir yāti giribhya ā sāmudrāt |  
7.095.02c rāyaś cetantī bhuvanasya bhūrer ghṛtam payo duduḥe nāhuṣāya ||  
7.095.03a sa vāvṛdhe naryo yoṣaṇāsu vṛṣā śīsur vṛṣabho yajñiyāsu |  
7.095.03c sa vājinam maghavadbhयो dadhāti vi sātaye tanvam māmṛjita ||  
7.095.04a uta syā naḥ sarasvati juṣānopā śravat subhagā yajne asmin |  
7.095.04c mitajñubhir namasyair iyānā rāyā yujā cid uttarā sakhībhyaḥ ||  
7.095.05a imā juhvānā yuṣmad ā namobhiḥ prati stomam sarasvati juṣasva |  
7.095.05c tava śarman priyatame dadhānā upa stheyāma śaraṇam na vṛkṣam ||  
7.095.06a ayam ū te sarasvati vasiṣṭho dvārāv rtasya subhage vy āvaḥ |  
7.095.06c vardhā śubhre stuvate rāsi vājān yūyam pāta svastibhiḥ sadā naḥ ||
- 7.096.01a brhad ū gāyīṣe vaco 'suryā nadīnām |  
7.096.01c sarasvatīm in mahayā suvṛktibhi stomair vasiṣṭha rodasī ||  
7.096.02a ubhe yat te mahinā śubhre andhasī adhikṣiyanti pūravah |  
7.096.02c sā no bodhy avitrī marutsakhā coda rādho maghonām ||  
7.096.03a bhādrām id bhadrā kṛṇavat sarasvaty akavāri cetati vājinivati |  
7.096.03c grṇānā jamadagnivat stuvānā ca vasiṣṭhavat ||  
7.096.04a janīyanto nv agravaḥ putriyantaḥ sudānavaḥ |  
7.096.04c sarasvantaṁ havāmahe ||  
7.096.05a ye te sarasva ūrmayo madhumanto ghṛtaścutaḥ |  
7.096.05c tebhir no vitā bhava ||  
7.096.06a pīpivāmsaṁ sarasvataḥ stanam yo viśvadarsataḥ |  
7.096.06c bhakṣīmahī prajāṁ iṣam ||
- 7.097.01a yajñe divo nṛśadane pṛthivyā naro yatra devayavo madanti |  
7.097.01c indrāya yatra savanāni sunve gaman madāya prathamam vayas ca ||  
7.097.02a ā daivyā vṛṇīmahe 'vāmsi brhaspatir no mahā ā sakhāyaḥ |  
7.097.02c yathā bhavema mīlhuṣe anāgā yo no dātā parāvataḥ piteva ||  
7.097.03a tam ū jyeṣṭham namasā havirbhiḥ susevām brahmaṇas patim grṇīṣe |  
7.097.03c indram śloko mahi daivyaḥ siṣaktu yo brahmaṇo devakṛtasya rājā ||  
7.097.04a sa ā no yonim sadatu preṣṭho brhaspatir viśvavāro yo asti |  
7.097.04c kāmō rāyaḥ suvīryasya tam dāt parśan no atī saścato ariṣṭān ||

7.097.05a tam ā no arkam amṛtāya juṣṭam ime dhāsura amṛtāsaḥ purājāḥ |  
 7.097.05c śucikrandam yajātam pastyānām bṛhaspatim anarvānam huvema ||  
 7.097.06a tam śagmāso aruṣāso aśvā bṛhaspatim sahaṁvāho vahanti |  
 7.097.06c sahaś cid yasya nīlavat sadhastham nabho na rūpam aruṣam vasānāḥ ||  
 7.097.07a sa hi śuciḥ śatapatraḥ sa śundhyur hiraṇyavāśir iṣiraḥ svarṣāḥ |  
 7.097.07c bṛhaspatiḥ sa svāveśa rṣvaḥ purū sakhibhya āsutim kariṣṭhaḥ ||  
 7.097.08a devī devasya rodasī janitrī bṛhaspatim vāvṛdhatur mahitvā |  
 7.097.08c dakṣāyāya dakṣatā sakhāyaḥ karad brahmaṇe sutarā sugādhā ||  
 7.097.09a iyam vām brahmaṇas pate suvr̥ktir brahmendrāya vajriṇe akāri |  
 7.097.09c aviṣṭam dhiyo jigṛtam purandhīr jajastam aryo vanuṣām arātiḥ ||  
 7.097.10a bṛhaspate yuvam indraś ca vasvo divyasyeśāthe uta pārthivasya |  
 7.097.10c dhattam rayim stuvate kīraye cid yūyam pāta svastibhiḥ sadā naḥ ||

7.098.01a adhvāryavo ruṇam dugdham amśum juhotāna vṛṣabhāya kṣitīnām |  
 7.098.01c gaurād vediyām avapānam indro viśvāhed yāti sutasomam icchan ||  
 7.098.02a yad dadhiṣe pradivi cārv annam dive-dive pītim id asya vakṣi |  
 7.098.02c uta hṛdota manasā juṣāṇa uśann indra prasthitān pāhi somān ||  
 7.098.03a jajñānaḥ somam sahasa papātha pra te mātā mahimānam uvāca |  
 7.098.03c endra paprāthorv aṅtarikṣam yudhā devebhyo varivaś cakartha ||  
 7.098.04a yad yodhayā mahato manyamānān sāksāma tān bāhubhiḥ śāśadānān |  
 7.098.04c yad vā nr̥bhīr vṛtā indrabhiyudhyās tam tvayājim sauśravaṣam jāyema ||  
 7.098.05a prendrasya vocam prathamā kṛtāni pra nūtanā maghavā yā cakāra |  
 7.098.05c yaded adevīr asaḥiṣṭa māyā athābhavat kevalaḥ somo asya ||  
 7.098.06a tavedam viśvam abhitaḥ paśavyaīm yat paśyasi cakṣasā sūryasya |  
 7.098.06c gavām aśi gopatir eka indra bhakṣīmahi te prayatasya vasvaḥ ||  
 7.098.07a bṛhaspate yuvam indraś ca vasvo divyasyeśāthe uta pārthivasya |  
 7.098.07c dhattam rayim stuvate kīraye cid yūyam pāta svastibhiḥ sadā naḥ ||

7.099.01a paro mātrayā tanvā vṛdhāna na te mahitvam anv aśnūvanti |  
 7.099.01c ubhe te vidma rajasī pṛthivyā viṣṇo deva tvam paramasya vitse ||  
 7.099.02a na te viṣṇo jāyamāno na jāto deva mahimnaḥ param antam āpa |  
 7.099.02c ud astabhna nākam r̥svam bṛhantam dādhartha prācīm kakubham pṛthivyāḥ ||  
 7.099.03a irāvati dhenumatī hi bhūtam sūyavasiniḥ manuse daśasyā |  
 7.099.03c vy astabhna rodasī viṣṇav ete dādhartha pṛthivīm abhito mayūkhaiḥ ||  
 7.099.04a urum jajñāya cakrathur u lokam janayantā sūryam uśāsam agnim |  
 7.099.04c dāsasya cid vṛṣaśiprasya māyā jaghnathur narā pṛtanājyeṣu ||  
 7.099.05a indravīṣṇū dṛmhitāḥ śambarasya nava puro navatim ca śnathiṣṭam |  
 7.099.05c śatam varcināḥ sahasram ca sākam hattho apraty asurasya vīrān ||  
 7.099.06a iyam manīṣā bṛhātī bṛhantorukramā tavaśā vardhayanti |  
 7.099.06c rare vām stomam vidathesu viṣṇo pinvatam iṣo vṛjaneshv indra ||  
 7.099.07a vaṣat te viṣṇav āsa ā kṛnomi tan me juṣasva śipiviṣṭa havyam |



7.099.07c vardhantu tvā suṣṭutayo giro me yūyam pāta svastibhiḥ sadā naḥ ||

7.100.01a nū martō dayate saniṣyan yo viṣṇava urugāyāya dāśat |

7.100.01c pra yaḥ satrācā manasā yajāta etāvantam naryam āvivāsāt ||

7.100.02a tvaṁ viṣṇo sumatiṁ viśvajanyām aprayutām evayāvo matim dāḥ |

7.100.02c parco yathā naḥ suvitasya bhūrer aśvāvataḥ puruścandrasya rāyaḥ ||

7.100.03a trir devaḥ pṛthivīm eṣa etām vi cakrame śatarcasam mahitvā |

7.100.03c pra viṣṇur astu tavasas taviyān tveṣam hy asya sthavirasya nāma ||

7.100.04a vi cakrame pṛthivīm eṣa etām kṣetrāya viṣṇur manuṣe daśasyan |

7.100.04c dhruvāso asya kīrayo janāsa urukṣitim sujanimā cakāra ||

7.100.05a pra tat te adya śipiviṣṭa nāmāryaḥ śamsāmi vāyunāni vidvān |

7.100.05c tam tvā grṇāmi tavasam atavyān kṣayantam asya rajasaḥ parāke ||

7.100.06a kim it te viṣṇo paricakṣyam bhūt pra yad vavakṣe śipiviṣṭo asmi |

7.100.06c mā varpo asmad apā gūha etad yad anyarūpaḥ samithe babhūtha ||

7.100.07a vaṣat te viṣṇav āsa ā kṛṇomi tan me juṣasva śipiviṣṭa havyam |

7.100.07c vardhantu tvā suṣṭutayo giro me yūyam pāta svastibhiḥ sadā naḥ ||

7.101.01a tisro vācaḥ pra vada jyotiragrā yā etad duhre madhudogham ūdhaḥ |

7.101.01c sa vaṭsam kṛṇvan garbham ośadhinām sadyo jāto vṛṣabho roravīti ||

7.101.02a yo vardhana ośadhinām yo apām yo viśvasya jagato deva īse |

7.101.02c sa tridhātu śaraṇam śarma yaṁsat trivartu jyotiḥ svabhiṣṭy aśme ||

7.101.03a starir u tvad bhavati sūta u tvad yathāvaśam tanvaṁ cakra eṣaḥ |

7.101.03c pituḥ payaḥ prati grbhṇāti mātā tena pitā vardhate tena putraḥ ||

7.101.04a yasmin viśvāni bhuvanāni tathus tisro dyāvas tredhā sasrur āpaḥ |

7.101.04c trayāḥ kośāsa upasecanāso madhva ścotanty abhito virapśam ||

7.101.05a idam vacaḥ parjanyaḥ svarāje hrdo astv antaram taj juṣat |

7.101.05c mayobhuvō vṛṣṭayaḥ santv asme supippalā ośadhīr devagopāḥ ||

7.101.06a sa retodhā vṛṣabhaḥ śaśvatinām tasminn ātmā jagatas tathuśas ca |

7.101.06c tan mā ṛtam pātu śataśāradāya yūyam pāta svastibhiḥ sadā naḥ ||

7.102.01a parjanyaḥ pra gāyata divas putrāya mīlhuṣe |

7.102.01c sa no yavasam icchatu ||

7.102.02a yo garbham ośadhinām gavām kṛṇoty arvatām |

7.102.02c parjanyaḥ puruṣinām ||

7.102.03a tasmā id āsyē havir juhotā madhumattamam |

7.102.03c ilām naḥ samyatam karat ||

7.103.01a samvatsaram śaśayānā brāhmaṇā vratacāriṇaḥ |

7.103.01c vācam parjanyaajinvitām pra maṇḍūkā avādiṣuḥ ||

7.103.02a divyā āpo abhi yad enam āyan dṛtim na śuṣkām sarasī śayānam |

7.103.02c gavām aha na māyur vaṭsininām maṇḍūkānām vagnur atrā sam eti ||

- 7.103.03a yad īm enāṃ uśato abhy avarṣit tr̥ṣyāvataḥ prāvṛṣy āgatāyām |  
7.103.03c akhkhaliḥkr̥tyā pitarāṃ na putro anyo anyam upa vadantam eti ||  
7.103.04a anyo anyam anu gr̥bhñāty enor apām prasarge yad amandiṣātām |  
7.103.04c maṇḍūko yad abhivṛṣṭaḥ kaṇiṣkan pṛṣṇiḥ sampr̥ṅkte haritena vācam ||  
7.103.05a yad eṣām anyo anyasya vācam śāktasyeva vadati śikṣamāṇaḥ |  
7.103.05c sarvaṃ tad eṣām samṛdheva parva yat suvāco vadathanādhy apsu ||  
7.103.06a gomāyur eko ajamāyur ekaḥ pṛṣṇir eko harita eka eṣām |  
7.103.06c samānaṃ nāma bibhrato virūpāḥ purutrā vācam pipiśur vadantaḥ ||  
7.103.07a brāhmaṇāso atirātre na some sarō na pūrṇam abhito vadantaḥ |  
7.103.07c samvatsarasya tad ahaḥ pari ṣṭha yan maṇḍūkāḥ prāvṛṣiṇam babhūva ||  
7.103.08a brāhmaṇāsaḥ somino vācam akrata brahma kṛṇvantaḥ parivatsariṇam |  
7.103.08c adhvaryavo gharṇiṇaḥ siṣvidānā āvir bhavanti guhyā na ke cit ||  
7.103.09a devahitiṃ jugupur dvādaśasya ṛtuṃ naro na pra minanty ete |  
7.103.09c samvatsare prāvṛṣy āgatāyām taptā gharmā āsnuvate visargam ||  
7.103.10a gomāyur adād ajamāyur adāt pṛṣṇir adād dharito no vasūni |  
7.103.10c gavām maṇḍūkā dadataḥ śatāni sahasrasāve pra tiranta āyuh ||
- 7.104.01a indrāsomā tapatam rakṣa ubjatam ny arpayatam vṛṣaṇā tamovṛdhaḥ |  
7.104.01c parā śṛṇitam acito ny oṣatam hataṃ nudethām ni śiśitam atrinaḥ ||  
7.104.02a indrāsomā sam aghaśamsam abhy algham tapur yayastu carur agnivām iva |  
7.104.02c brahmadviṣe kravvyāde ghoracakṣase dveṣo dhattam anavāyam kimidine ||  
7.104.03a indrāsomā duṣkr̥to vavre antar anārambhane tamasi pra vidhyatam |  
7.104.03c yathā nātaḥ punar ekaś canodayat tad vām astu sahase manyumac chavaḥ ||  
7.104.04a indrāsomā vartayatam divo vadham sam pṛthivyā aghaśamsāya tarhaṇam |  
7.104.04c ut takṣatam svaryaḥ parvatebhyo yena rakṣo vāvṛdhānam nijūrvathaḥ ||  
7.104.05a indrāsomā vartayatam divas pary agnitaptebhīr yuvam āsmahanmabhiḥ |  
7.104.05c tapurvadhebhīr ajarebhīr atrino ni parśane vidhyatam yantu nisvaram ||  
7.104.06a indrāsomā pari vām bhūtu viśvata iyam matiḥ kaṣyāśveva vājinā |  
7.104.06c yām vām hotrām parihinomi medhayemā brahmāni nr̥pativa jinvatam ||  
7.104.07a prati smarethām tujayadbhīr evair hataṃ druho rakṣaso bhaṅgurāvataḥ |  
7.104.07c indrāsomā duṣkr̥te mā sugam bhūd yo naḥ kadā cid abhidāsati druḥā ||  
7.104.08a yo mā pākena manasā carantam abhicaṣṭe anṛtebhīr vacobhiḥ |  
7.104.08c āpa iva kāśinā saṅgr̥bhītā asann astv āsata indra vaktā ||  
7.104.09a ye pākaśamsam viharanta evair ye vā bhadram dūṣayanti svadhābhiḥ |  
7.104.09c ahaye vā tām pradadātu soma ā vā dadhātu nirṛter upasthe ||  
7.104.10a yo no rasam dipsati pitvo agne yo aśvānām yo gavām yas tanūnām |  
7.104.10c ripu stena steyakṛd dabhram etu ni ṣa hiyatam tanvā3 tanā ca ||  
7.104.11a paraḥ so astu tanvā3 tanā ca tisraḥ pṛthivīr adho astu viśvaḥ |  
7.104.11c prati śuṣyatu yaśo asya devā yo no divā dipsati yaś ca naktam ||  
7.104.12a suvijñānam cikituṣe janāya sac cāsac ca vacasi pasprdhāte |  
7.104.12c tayor yat satyam yatarad r̥jiyas tad it somo vati hanty āsat ||

- 7.104.13a na vā u somo vṛjinam hīnoti na kṣatriyam mithuyā dhārayantam |  
7.104.13c hanti rakṣo hanti āsad vadantam ubhāv indrasya prasitau śayāte ||  
7.104.14a yadi vāham anṛtadeva āsa mogham vā devāṃ apyūhe agne |  
7.104.14c kim asmabhyam jātavedo hr̥ṇiṣe droghavācas te nirṛtham sacantām ||  
7.104.15a adyā murīya yadi yātudhāno asmi yadi vāyus tatapa pūruṣasya |  
7.104.15c adhā sa vīrair daśabhir vi yūyā yo mā mogham yātudhānety āha ||  
7.104.16a yo māyātum yātudhānety āha yo vā rakṣāḥ śucir asmīty āha |  
7.104.16c indras tam hantu mahatā vadhena viśvasya jantor adhamas padīṣṭa ||  
7.104.17a pra yā jigāti khargaleva naktam apa druhā tanvaīm gūhamānā |  
7.104.17c vavrām anantām ava sā padīṣṭa grāvāno ghnantu rakṣasa upabdaiḥ ||  
7.104.18a vi tiṣṭhadhvam maruto vikṣv ilcchata grbhāyata rakṣasaḥ sam pīnaṣṭana |  
7.104.18c vayo ye bhūtvī patayanti naktabhir ye vā ripo dadhire deve adhvare ||  
7.104.19a pra vartaya divo asmānam indra somaśitam maghavan sam śīśādhi |  
7.104.19c prāktād apāktād adharād udaktād abhi jahi rakṣasaḥ parvatena ||  
7.104.20a eta u tye patayanti śvayātava indram dipsanti dipsavo dābhyam |  
7.104.20c śīśite śakraḥ piśunebhyo vadham nūnam sṛjad aśanīm yātumadbhyaḥ ||  
7.104.21a indro yātūnām abhavat parāśaro havirmathinām abhy āvivāsatām |  
7.104.21c abhīd u śakraḥ paraśur yathā vanam pātreva bhīndan sata eti rakṣasaḥ ||  
7.104.22a ulūkayātum śusulūkayātum jahi śvayātum uta kokayātum |  
7.104.22c suparṇayātum uta ṛdhrayātum dr̥ṣadeva pra mṛṇa rakṣa indra ||  
7.104.23a mā no rakṣo abhi naḍ yātumāvātām apocchatu mithunā yā kimīdinā |  
7.104.23c pṛthivī naḥ pāthivāt pātv amhaso ntarikṣam divyāt pātv asmān ||  
7.104.24a indra jahi pumāmsam yātudhānam uta striyam māyayā śāśādānām |  
7.104.24c vigrivāso mūrādevā rdantu mā te dr̥ṣan sūryam uccarantam ||  
7.104.25a prati cakṣva vi cakṣvendras ca soma jāgrtam |  
7.104.25c rakṣobhyo vadham aśyatam aśanīm yātumadbhyaḥ ||

Notes by [Detlef Eichler](mailto:detlefeichler@googlemail.com) (detlefeichler(@googlemail.com):

1. Please note that this PDF file is not for commercial use and released only for personal scholarly activity.
2. This transliteration version of Rigveda is from an ITRANS file which I have created on the basis of [The Aufrecht/van Nooten/Holland \(Samhita\) version of the Rigveda.](http://www.people.fas.harvard.edu/~witzel/onlineRV.htm) (<http://www.people.fas.harvard.edu/~witzel/onlineRV.htm>)
3. The font used for the Rigveda text is URW Palladio IT. In the three words hirānyapraūgam̄ (1.035.05a), dūrāupabdo (7.021.02c), and praūgam̄ (10.130.03c) the font Times New Roman is used for the character ü to show Hiatus between a and u. For the numbers of Maṇḍala, Sūkta, and Mantra at the beginning of each line (1.001.01a) the font Times New Roman is used.
4. Last updated: 19 May 2010